

## ПОСЛЕДОВАНИЕ БОГОСЛУЖЕНИЯ

27 июня 2025 года.

Вариант «Б»:

Пятница. Прп. Мефодия, игумена Пешношского.

НА 9-М ЧАСЕ:

**Тропарь:**

*Тропарь мученицы, глас 4:*

Агница Твоя, Иисусе, Акилина зовёт велиим гласом: Тебё, Женише мой, люблю и, Тебё ищущи, страдальчествую, и сраспинаюся, и спогребаяюся крещению Твоему, и стражду Тебё ради, яко да царствую в Тебё, и умираю за Тя, да и живу с Тобёю; но, яко жертву непорочную, прими мя, с любовью пожёршуюся Тебё. Тоя молитвами, яко Милостив, спаси души наша.

**Слава Отцу и Сыну и Святому Духу.**

*Тропарь святителя, глас 4:*

Правило веры и образ кротости, воздержания учителя яви тя стаду твоему Яже вещей Истина. Сего ради стяжал еси смирением высокая, нищетою богатая, отче Трифиллие, моли Христа Бога спастися душам нашим.

**Кондак:**

*Кондак мученицы, глас 2:*

Девства твоего добротами предпочистивши душу твою, на высоту мучением востекла еси, Акилино всечестная, любовь Жениха твоего Христа уязвившись, Емуже со Ангелы предстоиши, веселящихся, с нимиже не престаи моляся о всех нас.

**ВЕЛИКАЯ ВЕЧЕРНЯ**

**Иерей:** Благословен Бог наш всегда, ныне и присно, и во веки веков.

**Чтец:** Аминь.

<sup>1</sup> Слава Тебё, Боже наш, слава Тебё.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

**ТРИСВЯТОЕ ПО ОТЧЕ НАШ:**

**Чтец:** Святыи Боже, Святыи Крепкий, Святыи Безсмертный, помилуй нас. *(Трижды)*

**Слава Отцу и Сыну и Святому Духу, и ныне и присно и во веки веков. Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

**Слава Отцу и Сыну и Святому Духу, и ныне и присно и во веки веков. Аминь.**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** Аминь. Господи, помилуй. *(12 раз)*

**Слава Отцу и Сыну и Святому Духу, и ныне и присно и во веки веков. Аминь.**

<sup>1</sup> Если читался 9-й час: то после возгласа священника: Аминь. Приидите поклонимся...

Приидите, поклонимся Царéви нашему Бóгу.

Приидите, поклонимся и припадём Христу́, Царéви нашему Бóгу.

Приидите, поклонимся и припадём Самому́ Христу́, Царéви и Бóгу нашему.

Псалом 103:

Благословí, душе́ моя, Гóспода. Гóсподи, Бóже мой, возвеличился еси́ зело́. Во исповéдание и в веле́ лепоту облéклся еси́. Оде́йся свéтом, я́ко рíзою, простира́яй не́бо, я́ко ко́жу. Покрыва́яй вода́ми превы́спренняя Сво́я, полага́яй о́блаки на восхожде́ние Своё, ходя́й на крилу́ вéтреню. Творя́й А́нгелы Сво́я дýхи и слуги́ Сво́я пла́мень о́гненный. Основáяй зéмлю на твёрди ея́, не преклонíтся в век вéка. Бэ́дна, я́ко рíза, оде́яние ея́, на гора́х ста́нут во́ды, от запрещéния Твоегó побéгнут, от глása грóма Твоегó убо́ятся. Восхо́дят гóры и нисхо́дят поля́ в мéсто, е́же основáл еси́ им. Преде́л положи́л еси́, егóже не прéйдут, ниже́ обратя́тся покры́ти зéмлю. Посыла́яй исто́чники в де́брых, посреде́ гор прóйдут во́ды. Напáют вся звéри сéльныя, ждут она́гри в жа́жду свою́. На тýх птíцы небéсныя привита́ют, от среды́ ка́менья да́ят глас. Напáяяй гóры от превы́спренних Сво́их, от плода́ дел Тво́их насы́тится зéмля. Прозяба́яй траву́ скотóм, и злак на слúжбу челове́ком, известí хлеб от землí. И вино́ веселíт сéрдце челове́ка, ума́стити лице́ елеем, и хлеб сéрдце челове́ка укрепíт. Насы́тятся древа́ польская́, кедри Ливáнстии, íхже еси́ насади́л. Та́мо птíцы вогнездя́тся, еродíево жили́ще предводителъству́ет íми. Гóры вы́сокия елéнем, ка́мень прибéжище зáяцем. Сотвори́л естъ луну́ во времена́, со́лнце позна́ запад свой. Положи́л еси́ тму, и бысть но́щь, в нейже прóйдут вси звéрие дубра́внии. Скíмни рыка́ющии, восхíтити и взыска́ти от Бóга пíщу себе́. Возсия́ со́лнце и собра́шася и в ло́жах сво́их ля́гут. Изы́дет челове́к на де́ло своё́ и на де́лание своё́ до вéчера. Я́ко возвеличи́шася дела́ Тво́я, Гóсподи, вся премúдростию сотвори́л еси́, испол́нися зéмля тва́ри Твоея́. Си́е мо́ре вели́кое и простра́нное, та́мо га́ди, íмже несть числá, живóтная ма́лая с вели́кими, та́мо корабли́ преплáвают, змий сей, егóже созда́л еси́ ругáтися е́му. Вся к Тебе́ ча́ют, да́ти пíщу им во бла́го вре́мя. Да́вшу Тебе́ им соберу́т, отве́рзшу Тебе́ ру́ку всяческа́я испол́нятся бла́гости, отвращу́ же Тебе́ лице́, возьму́тся, отъймeши дух их, и исчéзнут, и в персть свою́ возвратя́тся. Пóслеши Дýха Твоегó, и сози́ждутся, и обновíши лице́ землí. Бúди сла́ва Господня́ во вéки, возвеселíтся Господь о́ дэ́лех Сво́их, призира́яй на зéмлю, и творя́й ю́ трястíся, прикаса́яйся гора́м, и дымáтся. Воспою́ Гóсподеви в животе́ моём, пою́ Бóгу моему́, дóндеже есмь, да усладíтся Е́му бесéда моя́, аз же возвеселю́ся о́ Гóсподе. Да исчéзнут грéшницы от землí, и беззакóнницы, я́коже не бы́ти им. Благословí, душе́ моя, Гóспода. Со́лнце позна́ запад свой. Положи́л еси́ тму, и бысть но́щь. Я́ко возвеличи́шася дела́ Тво́я, Гóсподи, вся премúдростию сотвори́л еси́.

**Сла́ва Отцу́ и Сы́ну и Свято́му Дýху и ны́не и прíсно и во вéки веко́в. Ами́нь.**

Аллилу́иа, аллилу́иа, аллилу́иа, сла́ва Тебе́ Бóже. *(Три́жды).*

### **ВЕЛИ́КАЯ ЕКТЕНИ́Я.**

**Диáкон:** Мíром Гóсподу помóлимся.

**Хор:** Гóсподи, помíлуй. *(На ка́ждое проше́ние)*

**Диáкон:** О Св́шнем мíре и спасéнии душ на́ших, Гóсподу помóлимся.

О мíре всегó мíра, благостоя́нии Святы́х Бóжиих Церквёй и соединéнии всех, Гóсподу помóлимся.

О святéм хра́ме сем и с вéрою, благоговéнием и стра́хом Бóжиим входя́щих в о́нь, Гóсподу помóлимся.

О вели́ком Господíне и Отце́ нашем Святе́йшем Патриáрхе Кири́лле, и о Господíне нашем, Высокoпреосвящённейшем митрополíte *(или: архиепíске, или:*

преосвященнейшем епископе имярек), честнем пресвитерстве, во Христе диаконстве, о всем причте и людех, Господу помолимся.

О Богохранимем странé нашей, властех и воинстве ея, Господу помолимся.

О граде сем (или о веси сей), всяком граде, странé и верою живущих в них, Господу помолимся.

О благорастворении воздухов, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор: Тебé, Господи.**

**Иерей:** Яко подобает Тебé всякая слава честь и поклонение, Отцу и Сыну и Святому Духу, ныне и присно и во веки веков.

**Хор: Амíнь.**

### БЛАЖЕН МУЖ:

**Хор:** Блажен муж, иже не иде на совет нечестивых.

Аллилуиа, аллилуиа, аллилуиа.

Яко весть Господь путь праведных, и путь нечестивых погибнет.

Аллилуиа, аллилуиа, аллилуиа.

Работайте Господеви со страхом и радуйтесь Ему с трепетом.

Аллилуиа, аллилуиа, аллилуиа.

Блажени вси надеющиеся Нань.

Аллилуиа, аллилуиа, аллилуиа.

Воскресни, Господи, спаси мя, Боже мой.

Аллилуиа, аллилуиа, аллилуиа.

Господне есть спасение, и на людех Твоих благословение Твое.

Аллилуиа, аллилуиа, аллилуиа.

**Слава Отцу и Сыну и Святому Духу.**

Аллилуиа, аллилуиа, аллилуиа.

**И ныне и присно и во веки веков. Амíнь.**

Аллилуиа, аллилуиа, аллилуиа.

Аллилуиа, аллилуиа, аллилуиа, слава Тебé Боже. (Трижды)

### ЕКТЕНИЯ МАЛАЯ

**Диакон:** Паки и паки миром Господу помолимся.

**Хор: Господи, помилуй.**

**Диакон:** Заступи, спаси, помилуй и сохрани нас, Боже, Твоею благодатию.

**Хор: Господи, помилуй.**

**Диакон:** Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

**Хор: Тебé, Господи.**

**Иерей:** Яко Твоя держава и Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

**Хор:** Аминь.

**СТИХИРЫ НА ГОСПОДИ ВОЗЗВАХ, ГЛАС 8:**

**Канона́рх:** **Глас осьмый**, Господи, воззвах к Тебе, услыши мя.

**Хор:** Господи, воззвах к Тебе, услыши мя. Услыши мя, Господи. Господи, воззвах к Тебе, услыши мя: вонми гласу моления моего, внемди воззвати ми к Тебе. Услыши мя, Господи. Да исправится молитва моя, яко кадило пред Тобою, воздеяние руку мою – жертва вечерняя. Услыши мя, Господи.

*Стихиры преподобного, глас 8:*

На 8. Стих: **Из глубины воззвах к Тебе, Господи, Господи, услыши глас мой.**

О, преславного чудесе! В стране полунощней светильник Божия благодати возсия, преподобный и Богоносный отец Мефодий, пустыни Пешношския светопрощетшее прозябение и всяя Российския страны духовное украшение. К нему же, вопиюще, рцем: о преподобне, помолися ко Господу, Ему же совершенно угодил еси, даровати нам мир и велию милость.

Стих: **Да будут уши Твой внемлюще гласу моления моего.**

*Та же стихира.*

На 6. Стих: **Аще беззакония назириши, Господи, Господи, кто постоит? Яко у Тебе очищение есть.**

*Та же стихира.*

Стих: **Имене ради Твоего потерпех Тя, Господи, потерпе душа моя в слово Твое, упова душа моя на Господа.**

О, преславного чудесе! В стране хладней цвет прекрасный добродетелей возраст и Церковь Христова благоухания духовнаго исполни преподобный и Богоносный отец Мефодий, великаго во отцех Сергия спостник и ученик и того подвигов подражатель. К нему же, зывающе, глаголем: о преподобне, помолися ко Господу вкупе с преподобным Сергием даровати нам мир и велию милость.

На 4. Стих: **От стражи утренния до нощи, от стражи утренния, да уповаёт Израиль на Господа.**

*Та же стихира.*

Стих: **Яко у Господа милость, и многое у Него избавление, и Той избавит Израиля от всех беззаконий его.**

*Та же стихира.*

На 2. Стих: **Хвалите Господа вси языцы, похвалите Его вси людие.**

О, преславного чудесе! Како ты, отче Мефодие, в брэнней плоти ангельское житие проходил еси и, смертен телом, от смерти греховных души человеческие свободдал еси ученьми твоими и чудесы: молися вину, отче преподобне, о нас, чадах твоих духовных, еже упасенным быти нам во спасении и получитьи тобою мир и велию милость.

Стих: **Яко утвердися милость Его на нас, и истина Господня пребывает во век.**

*Та же стихира.*

**Слава, стихира преподобного, глас 6:**

Егда, отче преподобне, по мнозех подвизах и трудех уразумел еси духом твоим ко Господу отшествие, тогда со слезами Богу помолился еси о обители твоей и ученицех твоих и вся, нуждая им ко спасению, изрек еси, тии же горце плакаху и вопияху: о пастырю наш добрый, не остави нас, сирых, но молитвами твоими сохраняй нас от всякаго зла! Ты же,

отче, благословение твоё им дав и моли́тися о них обеща́всья, с миром ду́шу твою́ Го́сподеви пре́дал еси́, Ему́же помоли́ся нелише́нным бы́ти и нам насле́дия Небе́снаго.

**И ны́не, Догма́тик, глас то́йже:**

Кто Тебе́ не ублажи́т, Пресвята́я Де́во? кто ли не воспоёт Твоего́ Пречи́стаго Рожде́ства? безле́тно бо от Отца́ возсия́вый Сын Единоро́дный, То́йже от Тебе́, Чи́стыя, про́йде, неизрече́нно вопло́сся: естество́м Бог Сый и естество́м быв Чело́век нас ра́ди; не во двою́ лицу́ разделя́емый, но во двою́ естеству́ неслитно познава́емый. Того́ моли́, Чи́стая Всеблаже́нная, поми́ловатися душа́м на́шим.

**ВХОД С КАДИ́ЛОМ:**

**Диáкон:** Прему́дрость прости

**Хор:** Све́те Тихий святы́я сла́вы Безсме́ртнаго Отца́ Небе́снаго, Свята́го, Бла-же́ннаго, Иису́се Христе́! Прише́дше на запа́д со́лнца, ви́девши свет вече́рний, поём Отца́, Сы́на и Свята́го Ду́ха, Бо́га. Досто́ин еси́ во вся времена́ пет бы́ти гла́сы преподо́бными, Сы́не Бо́жий, живо́т дай; те́мже мир Тя сла́вит.

**Диáкон:** Во́ннем.

**Иере́й:** Мир всем.

**Хор:** И ду́хови твоему́.

**Диáкон:** Прему́дрость во́ннем.

**ПРОКИ́МЕН ВЕЧЕ́РНИ:**

Прокі́мен, **глас 6:** **Помощь моя́ от Го́спода, сотво́ршаго не́бо и зе́млю.**

**Хор:** **Помощь моя́ от Го́спода, сотво́ршаго не́бо и зе́млю.**

**Диáкон:** Возведо́х о́чи мо́й в го́ры, отню́дуже при́дет по́мощь мо́я.

**Хор:** **Помощь моя́ от Го́спода, сотво́ршаго не́бо и зе́млю.**

**Диáкон:** Помощь моя́ от Го́спода.

**Хор:** **Сотво́ршаго не́бо и зе́млю.**

**ПАРИМІИ**

**Преподо́бно:**

**Диáкон:** Прему́дрость.

**Чтец:** Прему́дрости Соломо́новы чтéние.

**Диáкон:** Во́ннем.

**Чтец:** Пра́ведницы во ве́ки живу́т, и в Го́споде мзда их, и попече́ние их у Вы́шняго. Сего́ ра́ди при́мут ца́рствие благоле́пия и вене́ц добрóты от руки́ Господни, зане́ десни́цею покрýет я и мы́шцею защити́т их. При́мет всеору́жие рвéние своё и воору́жит тварь в месть враго́м. Облече́тся в броня́ пра́вды и возложи́т шлем – суд нелицеме́рен. При́мет щит непобеди́мый – преподо́бие, поостри́т же напрáсный гнев во ору́жие, спобо́рет же с ним мир на безу́мныя. По́йдут праволу́чныя стрéлы мо́лниины и, я́ко от благокру́гла лу́ка, облако́в на наме́рение полетя́т. И от каменомéтныя я́рости испо́лнь паду́т гра́ды. Вознегодúет на них вода́ морская́, ре́ки же потопя́т я на́гло. Сопро́тив ста́нет им дух си́лы и, я́ко ви́хор, разве́ет их, и опустоши́т всю зе́млю беззакóние, и злоде́йство преврати́т престо́лы си́льных. Слы́шите ўбо, ца́рие, и разуме́йте, навы́кните, судий конце́в землі. Внуши́те, держа́ции мно́жества и гордя́щиися о наро́дех язы́к, я́ко дана́ есть от Го́спода держа́ва вам и си́ла от Вы́шняго.

**Диáкон:** Прему́дрость.

**Чтец:** Прему́дрости Соломо́новы чтéние.

**Диáкон:** Во́ннем.

**Чтец:** Пра́ведных ду́ши в руце́ Бóжией, и не прико́снется их му́ка. Непщевáни бы́ша во очесéх безумных умрети́, и вменёны́ озлоблени́е исхо́д их, и е́же от нас шéствие – сокрушени́е, онí же суть в ми́ре. Ё́бо пред лицéм челове́ческим а́ще и му́ку при́ймут, упова́ние их безсме́ртия испо́лнено. И, вма́ле нака́заны бы́вшие, вели́кими благоде́тельствова́ли бу́дут, я́ко Бог искуси́ я и обре́те их досто́йны Себе́. Я́ко зláто в горни́ле, искуси́ их и, я́ко всепло́дие же́ртвенное, при́ят я. И во вре́мя посещени́я их возсия́ют и, я́ко йскры по стéблию, потеку́т. Су́дят язы́ком и облада́ют людьми́, и воцари́тся Госпо́дь в них во ве́ки. Наде́ющиися Нань разуме́ют и́стину и ве́рнии в любви́ пребу́дут Ему́, я́ко благода́ть и ми́лость в преподо́бных Его́ и посещени́е во избра́нных Его́.

**Диáкон:** Прему́дрость.

**Чтец:** Прему́дрости Соломо́новы чтéние.

**Диáкон:** Во́ннем.

**Чтец:** Пра́ведник, а́ще пости́гнет сконча́тися, в покóи бу́дет. Ста́рость бо честна́ не многоле́тна, ниже́ в числэ́ лет исчитáется, седíна же есть му́дрость челове́ком, и во́зраст ста́рости – жити́е нескве́рное. Благоуго́ден Бóгови быв, возлю́блен бысть, и живы́й посреде́ грéшник престáвлен бысть. Восхищё́н бысть, да не злóба измени́т рáзума его́ или́ лeсть прельсти́т ду́шу его́. Рачéние бо злóбы помрача́ет дóбрая и парéние пóхоти пременя́ет ум незлóбив. Сконча́вся вма́ле, испо́лни лéта дóлга, уго́дна бо бе́ Господеви́ ду́ша его́, сегó рáди потщáся от среды́ лука́вствия. Лю́дие же ви́девшие, и не разуме́вшие, ниже́ поло́жше в помышлэ́нии таково́е, я́ко благода́ть и ми́лость в преподо́бных Его́ и посещени́е во избра́нных Его́.

**Иерéй:** Мир ти.

**Чтец:** И дýхови твоему́.

### ЕКТЕНИЯ СУГУ́БАЯ:

**Диáкон:** Рце́м вси от всея́ ду́ши, и от всегó помышлэ́ния нáшего рце́м.

**Хор:** Гóсподи, помíлуй.

**Диáкон:** Гóсподи Вседержи́телю, Бóже отéц нáших, мо́лим Ти ся, услы́ши и помíлуй.

**Хор:** Гóсподи, помíлуй.

**Диáкон:** Помíлуй нас, Бóже, по вели́цей ми́лости Твое́й, мо́лим Ти ся, услы́ши и помíлуй.

**Хор:** Гóсподи, помíлуй. (*Три́жды на каждое́ прошение́*)

**Диáкон:** Ещé мо́лимся о Вели́ком Госпо́дине и Отце́ нáшем Святéйшем Патриáрхе Кири́лле, и о Госпо́дине нáшем Высокопреосвящё́ннейшем *митрополи́те (или: архиепи́скопе, или: преосвящё́ннейшем епи́скопе имяре́к)*, и все́й во Христé бра́тии нáшей. Ещé мо́лимся о Богохранímeй стране́ нáшей, власте́х и во́инстве ея́, да тíхое и безмо́лвное жити́е поживе́м во вся́ком благоче́стии и чистоте́.

Ещé мо́лимся о блаже́нных и приснопа́мятных создáтелей свята́го хра́ма сегó, и о всех преждепочи́вших отце́х и бра́тиях, зде лежа́щих и повсю́ду, правосла́вных.

Ещé мо́лимся о ми́лости, жи́зни, ми́ре, здра́вии, спасéнии, посещéнии, прощéнии и оставлэ́нии грехóв рабо́в Бóжиих настоя́теля, бра́тии и прихо́жан свята́го хра́ма сегó.

Ещé мо́лимся о плодонося́щих и добродéющих во свята́м и всечестнэ́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя ми́лости.

**Иерéй:** Я́ко Ми́лостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Дýху, ны́не и присно и во ве́ки веко́в.

**Хор:** Ами́нь.

### СПОДО́БИ, ГОСПОДИ:

**Хор на 8 глас:** Сподоби, Господи, в вечер сей без грехá сохранитися нам. Благословен еси, Господи, Боже отец наших, и хвально и прославлено имя Твое во веки. Аминь. Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоими. Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

### **ЕКТЕНИЯ ПРОСИТЕЛЬНАЯ:**

**Диакон:** Исполним вечернюю молитву нашу Господеви.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Вечера всего совершенна, свята, мирна и безгрешна у Господа просим.

**Хор:** Подай, Господи. *(На каждое прошение)*

**Диакон:** Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

**Иерей:** Мир всем.

**Хор:** И духови твоему.

**Диакон:** Главы наша Господеви приклоним.

**Хор:** Тебе, Господи.

**Иерей:** Буди держава Царствия Твоего благословена и препрославлена. Отца и Сына и Святаго Духа, ныне и присно и во веки веков.

**Хор:** Аминь.

### **СТИХИРЫ НА СТИХОВНЕ, ГЛАС 1:**

**Канонарх:** Глас первый, В честней памяти твоей, преподобне отче Мефодие.

*Стихиры преподобного, глас 1:*

**Хор:**

В честней памяти твоей, преподобне отче Мефодие, чудес сияньми верныя озаряеши: дадеся бо тебе от Христа Бога велия благодать, недуги исцеляти и бесы от человек изгоняти, яко воистинну подражателю апостольскому. Тем, припадающе к мощем твоим, умильно глаголем: отче преподобне, молися Триипостасному Богу помиловати души наша.

**Стих 1:** Честна пред Господем смерть преподобных Его.

Преподобне отче Мефодие, ты измлада Христа возлюбив, все плотское мудрование в себе умертвил еси, потщався хуждшее покорити лучшему и плоть поработати духу, тем сосуд чист и освящен Божу явился еси и, миро Духа Святаго в себе прием, чудес источник соделался еси. Молись о нас, преподобне, Триипостасному Богу, помилovati души наша.

**Стих 2: Блажен муж, бойся Господа, в заповедех Его восхощет зело.**

Чувственные страсти победив воздержанием, в пустыни возсиял еси чудес зарями и тую у плодоносил еси трудами подвигов твоих духовных, просвещая души, греховною тьмою помраченные. И ныне нас, отче, твоими молитвами озари, и просвети сердца наша к деланию заповедей Господних.

**Слава, стихира преподобного, глас 8:**

Постников соборы, постника Господня песнями духовными почтим, преподобнаго отца Мефодия, и к нему молебно возопием: Ангелов подобниче и человек наставниче, настави ны ходити путем подвигов твоих и молитвами твоими соделай нас причастники быти Царствия Небеснаго.

**И ныне, Богородичен, глас тойже:**

Безневестная Дево, яже Бога неизреченно зачещи плотию, Мати Бога Вышняго, Твоих рабов мольбы приими, Всенепорочная, всем подающи очищение прегрешений, ныне наша моления приемлющи, моли спастися всем нам.

**Молитва святого симео́на богоприимца:**

**Хор на 6 глас:** Ныне отпускаеши раба Твоего, Владыко, по глаголу Твоему, с миром; яко видеста очи мои спасение Твое, еже еси уготовал пред лицем всех людей, свет во откровение языков, и славу людей Твоих Израиля.

**ТРИСВЯТО́Е ПО О́ТЧЕ НАШ:**

Святы́й Бо́же, Святы́й Кре́пкий, Святы́й Безсме́ртный, поми́луй нас. *(Трижды)*

**Слава Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.**

Пресвятая́ Трои́це, поми́луй нас; Госпо́ди, очисти грехи́ наша; Влады́ко, прости́ беззакония́ наша; Святы́й, посети́ и исцели́ немо́щи наша, имене Твоего́ ра́ди.

Госпо́ди, поми́луй, *(Трижды)*

**Слава Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава Отца и Сына и Святаго Духа, ныне и прѣсно и во веки веков.

**Хор: Ами́нь.**

**ТРОПАРИ́ ПО ТРИСВЯТО́М:**

*Тропарь преподобного, глас 8:*

Божественною любовью от юности распалаемь, вся, яже в мире красная, возненавидев, Христа Единого возлюбил еси, и, сего ради в пустыню вселився, в ней обитель сотворил еси, и, собрав инок множество, приял еси от Бога чудес дар, отче Мефодие, и был еси о Христе собеседник и спостник преподобному Сергию, с нимже у Христа Бога испроси православным христианом здравие, и спасение, и душам нашим велию милость.

**Слава и ныне, Богородичен, глас 8:**

Иже нас ради рождейся от Девы и, распятие претерпев, Благий, испровергий смертью смерть и Воскресение явлей яко Бог, не презри, яже создал еси рукою Твоею, яви

человеколюбие Твое, Милостиве. Приими рождшую Тя, Богородицу, молящуюся за ны, и спаси, Спасе наш, люди отчаянные.

**Диакон:** Премудрость.

**Хор:** Благословии.

**Иерей:** Сый благословен Христос Бог наш, всегда, ныне и присно и во веки веков.

**Хор:** Аминь. Утверди, Боже, святую православную веру, православных христиан во век века.

*Когда утреня не присоединяется к вечерни, окончание такое:*

**Иерей:** Пресвятая Богородице, спаси нас.

**Хор:** Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

**Иерей:** Слава Тебе, Христе Боже, Упование наше, слава Тебе.

**Хор:** Слава Отцу и Сыну и Святому Духу, и ныне и присно и во веки веков. Аминь. Господи, помилуй. (Трижды) Благословии.

**Иерей:** Произносит праздничный или дневной отпуст.

**Хор:** Великаго Господина и Отца нашего Кирилла, Святейшаго Патриарха Московского и всея Руси, и Господина нашего (Высоко)Преосвященнейшаго (имярек), (архи)епископа (митрополита (титул)), богохранимую страну нашу Российскую, настоятеля, братию и прихожан святого храма сего и вся православных христиан, Господи, сохрани их на многая лета.

## УТРЕНЯ

**Иерей:** Сла́ва Святе́й, и Единосущней, и Животворящей, и Нераздельней Троице всегда́, ны́не и прѣсно, и во ве́ки веко́в.

**Чтец:** Ами́нь.

## ШЕСТОПСА́ЛМИЕ:

**Чтец:**

Сла́ва в вы́шних Бо́гу, и на землі мир, в челове́цех благоволе́ние. (*Три́жды*).

Го́споди, устне́ мои отвѣрзеши, и уста́ моя возвестя́т хвалу́ Твою́. (*Два́жды*).

Псалом 3:

Го́споди, что ся умно́жиша стужа́ющие ми́? Мнози востаю́т на мя, мнози глаго́лют души́ мое́й: несть спасе́ния е́му в Бо́зе егѡ. Ты же, Го́споди, Засту́пник мой еси́, сла́ва моя́ и возно́сѣй главу́ мою́. Гласом мо́им ко Го́споду воззва́х, и услы́ша мя от горы́ святы́я Свое́я. Аз усну́х, и спях, воста́х, ꙗ́ко Господь засту́пит мя. Не убою́ся от тем люде́й, о́крест напа́дающих на мя. Воскресни́, Го́споди, спаси́ мя, Бо́же мой, ꙗ́ко Ты порази́л еси́ вся вражду́ющая ми всу́е: зу́бы грѣшников сокруши́л еси́. Господне́ есть спасе́ние, и на лю́дех Твои́х благослове́ние Твое́.

Аз усну́х, и спях, воста́х, ꙗ́ко Господь засту́пит мя.

Псалом 37:

Го́споди, да не ꙗ́ростию Твое́ю обличи́ши мене́, ниже́ гне́вом Твои́м нака́жеша мене́. ꙗ́ко стрѣлы Твоя́ унзо́ша во мене, и утверди́л еси́ на мене́ ру́ку Твою́. Нестъ исцеле́ния в плѡти мое́й от лица́ гне́ва Твоегѡ, несть ми́ра в косте́х мои́х от лица́ грех мои́х. ꙗ́ко беззакѡ́ния моя́ превзыдо́ша главу́ мою́, ꙗ́ко бре́мя тяжкое́ отяготѣша на мене. Возсмерде́ша и согни́ша ра́ны моя́ от лица́ безу́мня моего́. Пострада́х и сляко́хся до конца́, весь день се́туя хождáх. ꙗ́ко лядвѣя моя́ напо́лнишася поругáний, и несть исцеле́ния в плѡти мое́й. Озло́блен бых и смири́хся до зела́, рыка́х от въздыхáния се́рдца моего́. Го́споди, пред Тобо́ю все желáние моё́ и въздыхáние моё́ от Тебе́ не утайся. Се́рдце моё́ смяте́ся, оста́ви мя си́ла моя́, и свет о́чию мое́ю, и той несть со мно́ю. Друзи́ мой и ѝскреннии мой́ прѣ́мо мне прибли́жишася и ста́ша, и бли́жнии мой́ отдалече́ мене́ ста́ша и нужда́хуся ѝщущи́ ду́шу мою́, и ѝщущи́и злáя мне глаго́лаху суетна́я и льсти́вным весь день поучáхуся. Аз же ꙗ́ко глух не слы́шах и ꙗ́ко нем не отверза́яй уст свои́х. И бых ꙗ́ко человек не слы́шай и не имы́й во усте́х свои́х обличѣ́ния. ꙗ́ко на Тя, Го́споди, упова́х, Ты услы́шиши, Го́споди Бо́же мой. ꙗ́ко рех: да не когда́ порáдуют ми ся врази́ мой: и внегда́ подви́жатися нога́м мо́им, на мя велере́чеваша. ꙗ́ко аз на ра́ны гото́в, и болѣзнь моя́ предо мно́ю есть вѣ́ну. ꙗ́ко беззакѡ́ние моё́ аз возвещу́ и попеку́ся о гресе́ моём. Врази́ же мой́ живу́т и укрепѣ́шася па́че мене́, и умно́жишася ненави́дящии мя без пра́вды. Возда́ющии ми злáя възблагáя оболга́ху мя, зане́ гоня́х благосты́ню. Не оста́ви мене́, Го́споди Бо́же мой, не отступи́ от мене́. Вонми́ в по́мощь мою́, Го́споди спасе́ния моего́.

Не оста́ви мене́, Го́споди Бо́же мой, не отступи́ от мене́. Вонми́ в по́мощь мою́, Го́споди спасе́ния моего́.

Псалом 62:

Бо́же, Бо́же мой, к Тебе́ у́треннюю, возжада́ Тебе́ душа́ моя́, коль мно́жицею Тебе́ плоть моя́, в землі пу́сте и непроходне, и безводне. Та́ко во святѣ́м яви́хся Тебе́, видети́ си́лу Твою́ и сла́ву Твою́. ꙗ́ко лучши́ мѣлость Твоя́ па́че живѡ́т, устне́ мой похвалите́ Тя. Та́ко благословлю́ Тя в животе́ моём, о́ имени Твое́м воздежу́ ру́це мой. ꙗ́ко от ту́ка и ма́сти да испо́лнится душа́ моя́, и устна́ма ра́дости восхва́лят Тя уста́ моя́. А́ще поминáх Тя на постѣ́ли мое́й, на у́тренних поучáхся в Тя. ꙗ́ко был еси́ Помощник мой, и в кро́ве крилу́ Твое́ю возра́дуюся. Прильпе́ душа́ моя́ по Тебе́, мене́ же прѣ́ят десни́ца Твоя́. Ти́и же всу́е иска́ша ду́шу мою́, вни́дут в преиспо́дня землі́, преда́дутся в ру́ки ору́жия, ча́сти

лісовом будуть. Царь же возвеселітся о Бóзе, похвалітся всяк кленійся Им, яко заградішася уста глагóлющих неправедная.

На ўтренних поучахся в Тя. Яко был есі Помóщник мой, и в крóве крилу́ Твоёю возрадоуюся. Прильпé душá моя по Тебé, менé же прийт десніца Твоя.

**Слáва Отцú и Сýну и Святóму Дúху, и ны́не и прýсно и во вéки векóв. Амíнь.**  
Аллилу́иа, аллилу́иа, аллилу́иа, слáва Тебé Бóже. *(Трúжды).*

Гóсподи помíлуй, *(Трúжды).*

**Слáва Отцú и Сýну и Святóму Дúху, и ны́не и прýсно и во вéки векóв. Амíнь.**

Псалóм 87:

Гóсподи Бóже спасéния моего́, во дни воззва́х, и в но́щи пред Тобóю. Да внíдет пред Тя моли́тва моя́: приклонí ўхо Твоé к молéнию моему́, яко испóлнися зол душá моя́, и живóт мой аду прибли́жися. Привменéн бых с низходя́щими в ров, бых яко человек без пóмощи, в мёртвых свобóдь, яко я́звеннии спя́щии во грóбе, íхже не помяну́л есі ктому́, и тии от рукí Твоея́ отринóвєни бýша. Положíша мя в рóве преиспóднем, в тёмных и сєни смёртней. На мне утверд́ися я́рость Твоя́, и вся вóлны Твоя́ навёл есі на мя. Удалил есі зна́емых мо́их от менé, положíша мя мёрзость себе́: прéдан бых и не исхожда́х. Óчи мо́и изнемогóсте от нищеты́, воззва́х к Тебé, Гóсподи, весь день, воздéх к Тебé рúце мо́и. Едá мёртвыми творíши чудеса́? Или́ в́рачеве воскреся́т, и исповéдятся Тебé? Едá пове́сть кто во грóбе мíлость Твою́, и íстину Твою́ в погíбели? Едá познána б́дут во тьме чудеса́ Твоя́, и прáвда Твоя́ в землі забв́енней? И аз к Тебé, Гóсподи, воззва́х и ўтро моли́тва моя́ предварíт Тя. Вскýю, Гóсподи, отрéеши дúшу мою́, отвращáеши лицé Твоé от менé? Нищ есмь аз, и в трудéх от ю́ности моея́; вознэс же ся, смири́хся, и изнемогóх. На мне преидóша гнэви Тво́и, устраш́ения Твоя́ возмутíша мя, обыдóша мя яко вода́, весь день одержáша мя вку́пе. Удалил есі от менé дрúга и íскренняго, и зна́емых мо́их от страстéй.

Гóсподи Бóже спасéния моего́, во дни воззва́х, и в но́щи пред Тобóю. Да внíдет пред Тя моли́тва моя́: приклонí ўхо Твоé к молéнию моему́.

Псалóм 102:

Благословí, душé моя́, Гóспода, и вся внúтренняя моя́ íмя свя́тое Егó. Благословí, душé моя́, Гóспода, и не забывáй всех воздая́ний Егó, очища́ющаго вся беззакóния твоя́, исцеля́ющаго вся недúги твоя́, избавля́ющаго от истлэ́ния живóт твой, венча́ющаго тя мíлостью и щедрóтами, исполня́ющаго во благíх желáние твоé: обновíтся яко óрля ю́ность твоя́. Творя́й мíлостыни Госпóдь, и судьбу́ всем обíдимым. Сказá путí Своя́ Моисéови, сыновóм Изра́иловым хотэ́ния Своя́: Щедр и Мíлостив Госпóдь, Долготерпелíв и Многомíлостив. Не до концá прогнэ́вается, ниже́ во век враждúет, не по беззакóнием нáшим сотворíл есть нам, ниже́ по грехóм нáшим воздál есть нам. Яко по высотé небэ́сней от землі, утвердíл есть Госпóдь мíлость Свою́ на боя́щихся Егó. Ели́ко отстоя́т востóцы от за́пад, удалил есть от нас беззакóния нáша. Якоже щедрит отéц сýны, ущэдри Госпóдь боя́щихся Егó. Яко Той познá создáние нáше, помяну́, яко персть есмь. Человек, яко трава́ днiе егó, яко цвет сéльный, тáко оцветёт, яко дух прóйде в нем, и не б́дет, и не познáет ктому́ мéста своего́. Мíлость же Госпóдня от вéка и до вéка на боя́щихся Егó, и прáвда Егó на сынéх сынóв, храня́щих завет Егó, и пómнящих за́поведи Егó творíти я́. Госпóдь на Небесí уготóва Престóл Свой, и Цáрство Егó всéми облада́ет. Благословíte Гóспода вси Áнгели Егó, сýльнии крэ́постию, творя́щии слóво Егó, услы́шати глас словéс Егó. Благословíte Гóспода вся Сíлы Егó, слугí Егó, творя́щии вóлю Егó. Благословíte Гóспода вся делá Егó, на всяком мéсте влады́чества Егó, благословí, душé моя́, Гóспода.

На всяком мéсте влады́чества Егó, благословí, душé моя́, Гóспода.

Псалóм 142:

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвые века. И уни во мне дух мой, во мне смятеся сердце мое. Помянух дни древния, поучихся во всех делах Твоих, в творениях руку Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

**Слава Отцу и Сыну и Святому Духу, и ныне и присно и во веки веков. Аминь.**

Аллилуиа, аллилуиа, аллилуиа, слава Тебе Боже. *(Трижды)*.

### **ВЕЛИКАЯ ЕКТЕНИЯ.**

**Диакон:** Миром Господу помолимся.

**Хор:** Господи, помилуй. *(На каждое прошение)*

**Диакон:** О Свѣшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святѣйшем Патриархе Кирилле, и о Господине нашем, Высокопреосвященнейшем митрополите (или: архиепископе, или: преосвященнейшем епископе имярек), честнем пресвитерстве, во Христе диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем *(или о веси сей)*, всяком граде, стране и верою живущих в них, Господу помолимся.

О благорастворении воздушов, о избобилии плодов земных и временах мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

**Хор:** Аминь.

**ТРОПАРИ НА БОГ ГОСПОДЬ, ГЛАС 8:**

**Диакон:** Бог Господь, и явился нам, благословен Грядый во Имя Господне.

**Стих 1:** Исповедайтесь Господеви, яко благ, яко в век милость Его.

**Хор, глас 8:** Бог Господь, и явился нам, благословен Грядый во Имя Господне.

*(И далее на каждый стих)*

**Стих 2:** Обышедше обыдоша мя, и Именем Господним противляхся им.

**Стих 3:** Не умру, но жив буду, и повею дела Господня.

**Стих 4:** Камень, Егже небрегоша зыждущии, Сей бысть во главу угла, от Господа бысть Сей, и есть дивен во очесех наших.

**Хор:**

*Тропарь преподобного, глас 8:*

Божественною любовью от юности распалаемь, вся, яже в мире красная, возненавидев, Христа Единого возлюбил еси, и, сего ради в пустыню вселився, в ней обитель сотворил еси, и, собрав инок множество, приял еси от Бога чудес дар, отче Мефодие, и был еси о Христе собеседник и спостник преподобному Сергию, с нимже у Христа Бога испроси православным христианом здравие, и спасение, и душам нашим велию милость.

*(Дважды)*

**Слава и ныне, Богородичен, глас 8:**

Иже нас ради рождёйся от Девы и, распятие претерпев, Благий, испровергий смертью смерть и Воскресение явлей яко Бог, не презри, яже создал еси рукою Твоею, яви человеколюбие Твое, Милостиве. Приими рождшую Тя, Богородицу, молящуюся за ны, и спаси, Спасе наш, люди отчаянныя.

**КАФИЗМЫ:**

**Хор:** Господи, помилуй *(Трижды)*

**Слава Отцу и Сыну и Святому Духу.**

**Чтец:** И ныне и присно и во веки веков. Аминь.

**КАФИЗМА ДЕВЯТНАДЦАТАЯ**

Псалом 134

Хвалите имя Господне, хвалите, рабы Господа, стоящие во храме Господни, во дворех дому Бога нашего. Хвалите Господа, яко благ Господь, пойте имени Его, яко добро: яко Иакова избрал Себе Господь, Израиля в достояние Себе. Яко аз познах, яко велий Господь, и Господь наш над всеми боги. Вся елика восхотел Господь, сотворил на небеси и на земли, в морях и во всех безднах. Возводя облаки от последних земли, молнии в дождь сотворил, изводя ветры от сокровищ Своих. Иже поразил первенцы Египетския, от человека до скота. Посла знамения и чудеса посреде Тебе, Египте, на фараона и на вся рабы его. Иже поразил языки многи и избил царя крепки: Сиона, царя Аморрейска, и Ога, царя Васанска, и вся царствия Ханаанска, и даде землю их достояние, достояние Израилю, людем Своим. Господи, имя Твое в век и память Твоя в род и род: яко судити иматъ Господь людем Своим, и о рабех Своих умолится. Идоли язык, сребро и злато, дела рук человеческих. Уста имут, и не возлагут, очи имут, и не узрят, уши имут, и не услышат, ниже бо есть дух во устех их. Подобни им да будут творящие я, и вси надеющиеся на ня. Доме Израилев, благословите Господа, доме Ааронь, благословите Господа, доме Левийин, благословите Господа. Боящиеся Господа, благословите Господа. Благословен Господь от Сиона, живый во Иерусалиме.

Псалом 135

Исповедайтесь Господеви, яко благ, яко в век милость Его. Исповедайтесь Богу богов, яко в век милость Его. Исповедайтесь Господеви господей, яко в век милость Его.

Сотворшему чудеса велия единому, яко в век милость Его. Сотворшему небеса разумом, яко в век милость Его. Утвердившему землю на водах, яко в век милость Его. Сотворшему светила велия единому, яко в век милость Его. Солнце во область дне, яко в век милость Его. Луну и звезды во область ночи, яко в век милость Его. Поразившему Египта с первенцы его, яко в век милость Его, и изведшему Израиля от среды их, яко в век милость Его. Рукою крепкою и мышцею высокою, яко в век милость Его. Раздельшему Чермное море в разделения, яко в век милость Его. И проведшему Израиля посреде его, яко в век милость Его. И истрясшему фараона и силу его в море Чермное, яко в век милость Его. Проведшему люди Своя в пустыни, яко в век милость Его. Поразившему царя велия, яко в век милость Его, и убившему царя крепкия, яко в век милость Его: Сиона, царя Амореиска, яко в век милость Его, и Ога, царя Васанска, яко в век милость Его. И давшему землю их достояние, яко в век милость Его. Достояние Израилю, рабу Своему, яко в век милость Его. Яко во смирении нашем помяну ны Господь, яко в век милость Его. И избавил ны есть от врагов наших, яко в век милость Его. Дай пищу всякой плоти, яко в век милость Его. Исповедайтесь Богу небесному, яко в век милость Его.

Псалом 136

На реках Вавилонских, тамо седохом и плакахом, внемди помянути нам Сиона. На вербных посреде его обесихом органы наша. Яко тамо вопросиша ны пленшии нас о словесах песней и ведшии нас о пении: воспойте нам от песней Сионских. Како воспоем песнь Господню на земли чуждей? Аще забуду тебе, Иерусалиме, забвена буди десница моя. Прильпни язык мой гортани моему, аще не помяну тебе, аще не предложу Иерусалима, яко в начале веселия моего. Помяни, Господи, сыны Едомския, в день Иерусалимль глаголющия: истощайте, истощайте до оснований его. Дщи Вавилоня окаянная, блажен иже воздаст тебе воздаяние твое, еже воздала еси нам. Блажен иже имет и разбиет младенцы твоя о камень.

**Чтец: Слава Отцу и Сыну и Святому Духу.**

**Хор: И ныне и присно и во веки веков. Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

Псалом 137

Исповемся Тебе, Господи, всем сердцем моим, и пред Ангелы воспою Тебе, яко услышал еси вся глаголы уст моих. Поклонюся ко храму святому Твоему и исповемся имени Твоему о милости Твоей и истине Твоей, яко возвеличил еси над всем имя Твое святое. Вонже аще день призову Тя, скоро услыши мя: умножиши мя в души моей силою Твоею. Да исповедятся Тебе, Господи, вси царие земли, яко услышаша вся глаголы уст Твоих, и да воспоют в путях Господних, яко велия слава Господня, яко высок Господь, и смиренные призирает, и высокая издалеча весть. Аще пойду посреде скорби, живиши мя, на гнев враг моих простерл еси руку Твою, и спасе мя десница Твоя. Господь воздаст за мя. Господи, милость Твоя во век, дел руку Твоею не презри.

Псалом 138

Господи, искусил мя еси и познал мя еси. Ты познал еси седание мое и востание мое. Ты разумел еси помышления моя издалеча: стезю мою и уже мое Ты еси исследовал, и вся пути моя провидел еси. Яко несть лести в языке моем: се, Господи, Ты познал еси. Вся последняя и древняя: Ты создал еси мя, и положил еси на мне руку Твою. Удивися разум Твой от мене, утвердися, не возмогу к нему. Камо пойду от Духа Твоего? И от лица Твоего камо бежу? Аще взыду на небо – Ты тамо еси, аще сниду во ад – тамо еси. Аще возму криле

мой рано и вселюся в послѣдних моря – и тамо бо рука Твоя наставит мя и удержит мя десница Твоя. И рех: еда тма поперет мя, и ночь просвещение в сладости моей? Яко тма не помрачится от Тебе, и ночь, яко день, просветится, яко тма ея, тако и свет ея. Яко Ты создал еси утробы моя, восприял мя еси из чрева матере моея. Исповемся Тебе, яко страшно удивился еси: чудна дела Твоя, и душа моя знает зело. Не утайся кость моя от Тебе, юже сотворил еси в тайне, и состав мой в преисподних земли. Несодѣланное мое видесте очи Твой, и в книзе Твоей вси напишутся, во днех созиждутся и никтоже в них. Мне же зело честни быша друзи Твой, Боже, зело утвердишася владычества их. Изочту их, и паче песка умножатся; востах, и еще есмь с Тобю. Аще избиеша грешники, Боже, мужие кровей, уклонитесь от мене. Яко ревниви есте в помышлениях, примут в свету грады Твоя. Не ненавидящия ли Тя, Господи, возненавидех, и о вразех Твоих истях? Совершенною ненавистию возненавидех я, во враги быша ми. Искуси мя, Боже, и увещай сердце мое, истязи мя и разумей стези моя, и виждь, аще путь беззакония во мне, и настави мя на путь вечен.

### Псалом 139

Изми мя, Господи, от человека лукава, от мужа неправедна избави мя, иже помыслиша неправду в сердце, весь день ополчаху брани, изостриша язык свой, яко змийн, яд аспидов под устнами их. Сохрани мя, Господи, из руки грешничи, от человек неправедных изми мя, иже помыслиша запяти стопы моя. Скрыша гордии сеть мне, и ужы препяша сеть ногама моима. При стези соблазны положиша ми. Рех Господеви: Бог мой еси Ты, внуши, Господи, глас моления моего. Господи, Господи, сила спасения моего, осенил еси над главою моею в день брани. Не предаждь мене, Господи, от желания моего грешнику: помыслиша на мя, не остави мене, да не когда вознесутся. Глава окружения их, труд устен их покрывает я. Падут на них углия огненная, низложиши я в страстех, и не постоят. Муж язычен не исправится на земли: мужа неправедна злая уловят во истление. Познах, яко сотворит Господь суд нищим и месть убогим. Обаче праведнии исповедятся имени Твоему, и вселятся правии с лицем Твоим.

**Чтец: Слава Отцу и Сыну и Святому Духу.**

**Хор: И ныне и присно и во веки веков. Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

### Псалом 140

Господи, возвах к Тебе, услыши мя: вонми гласу моления моего, вегда возвати ми к Тебе. Да исправится молитва моя, яко кадило пред Тобю, воздеяние руку моею – жертва вечерняя. Положи, Господи, хранение устом моим, и дверь ограждения о устнах моих. Не уклони сердце мое в словеса лукавствия, непщевати вины о гресех, с человеки делующими беззаконие, и не сочтуса со избранными их. Накажет мя праведник милостию и обличит мя, елей же грешнаго да не намастит главы моея, яко еще и молитва моя во благоволениях их. Пожертвы быша при камени судий их: услышатся глаголи мой, яко возможоша. Яко толща земли проседеса на земли, расточишася кости их при аде. Яко к Тебе, Господи, Господи, очи мой: на Тя уповах, не отыми душу мою. Сохрани мя от сети, юже составиша ми, и от соблазн делующих беззаконие. Падут во мрежу свою грешницы: един есмь аз, дондеже преяду.

### Псалом 141

Гласом моим ко Господу возвах, гласом моим ко Господу помолихся. Пролию пред Ним моление мое, печаль мою пред Ним возвещу. Вегда исчезати от мене духу моему: и Ты

позна́л еси́ стези́ моя́: на пути́ сем, по немуже хождáх, скрýша сеть мне. Смотри́х одесну́ю и возгя́дах, и не бе зная́ менé: погы́бе бéгство от менé, и несть взыска́яй ду́шу мою́. Возва́х к Тебе́, Го́споди, рех: Ты еси́ упова́ние мое́, часть моя́ еси́ на земли́ живы́х. Вонми́ молéнию моему́, я́ко смири́хся зело́, изба́ви мя от гоня́щих мя, я́ко укрепи́шася па́че менé. Изведи́ из темни́цы ду́шу мою́, испове́датися и́мени Твоему́. Менé ждут пра́ведницы, до́ндеже возда́си мне.

Псалом 142

Го́споди, услы́ши моли́тву мою́, внуши́ молéние мое́ во и́стине Твое́й, услы́ши мя в пра́вде Твое́й и не вни́ди в суд с рабо́м Твои́м, я́ко не оправди́тся пред Тобо́ю всяк живы́й. Я́ко погна́ враг ду́шу мою́, смири́л есть в зéмлю живóт мой, посади́л мя есть в тёмных, я́ко мёртвья вéка. И уны́ во мне дух мой, во мне смятéся сéрдце мое́. Помяну́х дни дрéвния, поучи́хся во всех дéлех Твои́х, в творéниях руку́ Твое́ю поуча́хся. Воздéх к Тебе́ рúце мой, душа́ моя́, я́ко земля́ безводная Тебе́. Скóро услы́ши мя, Го́споди, исчезé дух мой, не отврати́ лица́ Твоего́ от менé, и уподóблюся низходя́щим в ров. Слы́шану сотвори́ мне за́втра ми́лость Твою́, я́ко на Тя упова́х. Скажи́ мне, Го́споди, путь во́ньже пойду́, я́ко к Тебе́ взях ду́шу мою́. Изми́ мя от враг мои́х, Го́споди, к Тебе́ прибего́х. Научи́ мя твори́ти во́лю Твою́, я́ко Ты еси́ Бог мой. Дух Твой благи́й наста́вит мя на зéмлю пра́ву. Имене́ Твоего́ ра́ди, Го́споди, живи́ши мя, пра́вдою Твое́ю изведéши от печáли ду́шу мою́. И ми́лостью Твое́ю потреби́ши враги́ моя́ и погуби́ши вся стужа́ющыя души́ мое́й, я́ко аз раб Твой есмь.

**Сла́ва Отцу́ и Сы́ну и Свято́му Ду́ху и ны́не и прýсно и во вéки веко́в. Ами́нь.**

Аллилу́иа, аллилу́иа, аллилу́иа, сла́ва Тебе́ Бо́же. *(Три́жды).*

**ЕКТЕНИЯ́ МА́ЛАЯ**

**Диáкон:** Па́ки и па́ки, ми́ром Го́споду помóлимся.

**Хор:** Го́споди, помíлуй.

**Диáкон:** Заступи́, спаси́, помíлуй и сохрани́ нас, Бо́же, Твое́ю благода́тию.

**Хор:** Го́споди, помíлуй.

**Диáкон:** Пресвяту́ю, пречи́стую, преблагословéнную, сла́вную Влады́чицу на́шу Богороди́цу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

**Хор:** Тебе́, Го́споди.

**Иерéй:** Я́ко Твоя́ держа́ва и Твое́ есть Цáрство, и си́ла, и сла́ва, Отца́, и Сы́на, и Свята́го Ду́ха, ны́не и прýсно, и во вéки веко́в.

**Хор:** Ами́нь.

**Чтец:**

*По 1-м стихослóвию седáлен преподобного, глас 4:*

Зва́нию Господню́ последовав, óтче преподóбне, в пусты́ню всели́лся еси́ и та́мо обите́ль и́ноком сооруди́л еси́, в нейже́ И́мя Бо́жие сла́вится благочéстно. И ны́не моли́ся, преподóбне Мефóдие, сохранéнной бы́ти обите́ли твое́й от вся́каго зла́ и спасти́ся душа́м на́шим.

*(Два́жды)*

**Сла́ва, и ны́не, Богородичен:**

Богороди́це, Ты обнови́ла еси́, Пречи́стая, святы́м рождество́м Твои́м земны́х человек па́дшее естество́ и сиé па́ки Бо́гу присвои́ла еси́, сегó ра́ди Тя пéсненно велича́ем.

**Хор:** Го́споди, помíлуй *(Три́жды)*

**Сла́ва Отцу́ и Сы́ну и Свято́му Ду́ху.**

**Чтец:** И ны́не и прýсно и во вéки веко́в. Ами́нь.

## КАФЬИЗМА ДВАДЦАТАЯ

### Псалом 143

Благословен Господь Бог мой, научаяй руке мой на ополчение, персты моя на брань. Милость моя и прибежище мое, Заступник мой и Избавитель мой, Защититель мой, и на Него уповах: повинуйя люди моя под мя. Господи, что есть человек, яко познался еси ему? Или сын человек, яко вменяеши его? Человек суете уподобися: дние его яко сень преходят. Господи, приклони небеса, и сниди, коснися горам, и воздымятся. Блесни молнию, и разженеши я, послы стрелы Твоя, и смятеши я. Послы руку Твою с высоты, изми мя и избави мя от вод многих, из руки сынов чуждых, ихже уста глаголаша суету, и десница их – десница неправды. Боже, песнь нову воспою Тебе, во псалтири десятиструннем пою Тебе, дающему спасение царем, избавляющему Давида, раба Своего, от меча люта. Избави мя, и изми мя из руки сынов чуждых, ихже уста глаголаша суету, и десница их – десница неправды. Ихже сынове их яко новосаждения водруженная в юности своей. Дщери их удобрены, преукрашены, яко подобие храма. Хранилища их исполнена, отыгающая от сего в сие, овцы их многоплодны, множащияся во исходищах своих, волове их толсти. Несть падения плоту, ниже прохода, ниже вопля в стогнах их. Ублажиша люди, имже сия суть. Блажены людие, имже Господь Бог их.

### Псалом 144

Вознесу Тя, Боже мой, Царю мой, и благословлю имя Твое в век и в век века. На всяк день благословлю Тя и восхвалю имя Твое в век и в век века. Великий Господь и хвален зело, и величию Его несть конца. Род и род восхвалят дела Твоя и силу Твою возвестят. Великолепие славы святыни Твоея возглаголют и чудеса Твоя поведают. И силу страшных Твоих рекут и величие Твое поведают. Память множества благости Твоея отрыгнут и правдою Твоею возрадуются. Щедр и милостив Господь, Долготерпелив и Многомилостив. Благ Господь всяческим, и щедроты Его на всех делех Его. Да исповедятся Тебе, Господи, вся дела Твоя, и преподобнии Твои да благословят Тя. Славу Царствия Твоего рекут, и силу Твою возглаголют, сказаи сыновом человеческим силу Твою, и славу великолепия Царствия Твоего. Царство Твое, Царство всех веков, и владычество Твое во всяком роде и роде. Верен Господь во всех словесех Своих и преподобен во всех делех Своих. Утверждает Господь вся низпадающия и возставляет вся низверженныя. Очи всех на Тя уповают, и Ты даеши им пищу во благовремении. Отверзаеши Ты руку Твою и исполняеши всякое животно благоволения. Праведен Господь во всех путех Своих и преподобен во всех делех Своих. Близ Господь всем призывающим Его, всем призывающим Его во истине. Волю боящихся Его сотворит и молитву их услышит и спасет я. Хранит Господь вся любящия Его и вся грешники потребит. Хвалу Господню возглаголют уста моя, и да благословит всяка плоть имя святое Его в век и в век века.

**Чтец: Слава Отцу и Сыну и Святому Духу.**

**Хор: И ныне и присно и во веки веков. Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

### Псалом 145

Хвали, душе моя, Господа. Восхвалю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою. В той день погибнут вся помышления его. Блажен, емуже Бог Иаковль помощник его, упование его на Господа Бога своего, сотворшаго небо

и зѣмлю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя. Господь умудряет слепцы. Господь возводит низверженныя. Господь любит праведники. Господь хранит пришельцы, сира и вдову приимет и путь грешных погубит. Воцарится Господь во век, Бог твой, Сионе, в род и род.

Псалом 146

Хвалите Господа, яко благ псалом. Бóгови нашему да усладится хваление. Зиждай Иерусалима Господь, разсеяния Израилева соберет. Исцеляя сокрушенныя сердцем и обязуя сокрушения их. Исчитаая множество звезд и всем им имена нарицаая. Велий Господь наш, и велия крепость Его, и разума Его несть числа, Приемляй краткия Господь, смираяя же грешники до земли. Начните Господеву во исповедании, пойте Бóгови нашему в гуслах. Одевающему небо облаки, уготовляющему земли дождь, прозябающему на горах траву и злак на службу человеком, дающему скотом пищу их, и птенцем врановым призывающим Его. Не в силе констей восхощет, ниже в листьях мужеских благоволят. Благоволят Господь в боящихся Его и во уповающих на милость Его.

Псалом 147

Похвали, Иерусалиме, Господа, хвали Бога Твоего, Сионе, яко укрепил верей врат Твоих, благословил сыны твои в тебе. Полагая пределы Твоя мир, и тука пшенична насыщаяй тя. Посылая слово Своё земли, до скорости течёт слово Его, дающего снег Свой, яко волну, мглу, яко пепел, посыпающего, метящего голоть Свой, яко хлеба. Противу лица мраза Его кто постоит? Послет Слово Своё, и истает я, дхнет Дух Его, и потекут воды. Возвещая слово Своё Иакову, оправдания и судьбы Своя Израилеви. Не сотвори тако всякому языку, и судьбы Своя не яви им.

**Чтец: Слава Отцу и Сыну и Святому Духу.**

**Хор: И ныне и присно и во веки веков. Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

Псалом 148

Хвалите Господа с небес, хвалите Его в вышних. Хвалите Его, вси Ангели Его, хвалите Его, вся силы Его. Хвалите Его, солнце и луна, хвалите Его, вся звезды и свет. Хвалите Его небеса небес и вода, яже превыше небес. Да восхвалят имя Господне: яко Той рече, и быша, Той повеле, и создашася. Постави я в век и в век века, повеление положи, и не мимо идет. Хвалите Господа от земли, змиеве и вся бездны: огонь, град, снег, голоть, дух бурен, творящая слово Его, горы и вси холми, древа плодоносна и вси кедр, зверие и вси скоти, гады и птицы пернаты. Царие земстии и вси людие, князи и вси судий земстии, юноши и девы, старцы с юнотами да восхвалят имя Господне, яко вознесся имя Того единого, исповедание Его на земли и на небеса. И вознесет рог людей Своих, песнь всем преподобным Его, сыновом Израилевым, людем, приближающимся Ему.

Псалом 149

Воспойте Господеву песнь нову, хваление Его в церкви преподобных. Да возвеселится Израиль о сотворшем его, и сынове Сиони возрадуются о Царё своём. Да восхвалят имя Его в лице, в тимпане и псалтири да поют Ему. Яко благоволят Господь в людех Своих, и вознесет краткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати царя их пугы, и славныя их

ручными окóвы желéзными, сотвори́ти в них суд напи́сан. Сла́ва сия́ бу́дет всем преподо́бным Егó.

### Псалóм 150

Хвали́те Бо́га во святы́х Егó, хвали́те Егó во утвержде́нии си́лы Егó. Хвали́те Егó на си́лах Егó, хвали́те Егó по мно́жеству вели́чества Егó. Хвали́те Егó во гласе тру́бнем, хвали́те Егó во псалти́ри и гúслех. Хвали́те Егó в тимпа́не и ли́це, хвали́те Егó во стру́нах и орга́не. Хвали́те Егó в кимвáleх доброгласных, хвали́те Егó в кимвáleх восклицáния. Всякое дыха́ние да хва́лит Го́спода.

**Сла́ва Отцу́ и Сы́ну и Свято́му Ду́ху и ны́не и прýсно и во ве́ки веко́в. Ами́нь.**

Аллилу́иа, аллилу́иа, аллилу́иа, сла́ва Тебе́ Бо́же. *(Три́жды).*

### ЕКТЕНИ́Я МА́ЛАЯ

**Диáкон:** Па́ки и па́ки, ми́ром Го́споду помóлимся.

**Хор:** Го́споди, помíлуй.

**Диáкон:** Заступи́, спаси́, помíлуй и сохрани́ нас, Бо́же, Твоею́ благода́тию.

**Хор:** Го́споди, помíлуй.

**Диáкон:** Пресвяту́ю, пречи́стую, преблагословенную, сла́вную Влады́чицу на́шу Богороди́цу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

**Хор:** Тебе́, Го́споди.

**Иерей:** Я́ко благ и человеколю́бец Бог еси́, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прýсно, и во ве́ки веко́в.

**Хор:** Ами́нь.

**Чтец:**

*По 2-м стихослóвию седáлен преподобного, глас 6:*

Крест Христо́в на ра́мо взем, к борéнию со врага́ми невидимыми устреми́лся еси́, преподо́бне, и полки́ бесóвския в пусты́ни победи́л еси́, сегó ра́ди, я́ко победоно́сец, по́чести венéц прия́л еси́ от Христа́, Человеколю́бца и Спа́са душ на́ших.

*(Два́жды)*

**Сла́ва, и ны́не, Богородичен:**

Кийждо, иде́же ча́ет спаст́ся, та́мо пра́ведно и притека́ет; мы же, обрétше тя прибéжище спаси́тельное, Богороди́це, приле́жно мо́лимся Тебе́: покрýй нас ма́терним покрóвом Твои́м от всякаго зла и спаси́ ду́ши на́ша.

### ПОЛИЕЛÉЙ:

**Хор:**

Хвали́те И́мя Господне, хвали́те, раби́ Го́спода.

Аллилу́иа, аллилу́иа, аллилу́иа.

Благословен Го́сподь от Си́она, живый во Иерусали́ме.

Аллилу́иа, аллилу́иа, аллилу́иа.

Исповеда́йтесь Го́сподеви, я́ко Благ, я́ко в век мýлость Егó.

Аллилу́иа, аллилу́иа, аллилу́иа.

Исповеда́йтесь Бо́гу Небéсному, я́ко в век мýлость Егó.

Аллилу́иа, аллилу́иа, аллилу́иа.

### ВЕЛИЧА́НИЕ ПРЕПОДОБНОГО:

**Духовéнство:** Ублажа́ем тя, преподо́бне óтче Мефóдие, и чтим святу́ю па́мь твою́, наста́вниче мона́хов и собесéдниче А́нгелов.

*Чтец или хор первый стих Избрáнного псалма:*

**Чтец или Хор:** Терпя, потерпéх Гóспода, и внят ми, и услýша моли́тву мою́.

*Затем хор поет Величание:*

**Хор:** Ублажа́ем тя, преподо́бне óтче Мефо́дие, и чтим святу́ю па́мь твою́, наста́вниче мона́хов и собесéдниче А́нгелов.

*И далее хор продолжает чередовать стихи Избрáнного псалма и Величание:*

**Чтец или Хор:** Поста́ви на ка́мени но́зе мой и испра́ви стопы́ моя́. Се удали́хся, бе́гая, и водвори́хся в пусты́ни. Уподобихся не́сыти пусты́ней. Бдех и бых, я́ко пти́ца, о́сбязаяся на зде. Колéна моя́ изнемогóста от поста́, и плоть моя́ измени́ся елéя ра́ди. Предзрéх Гóспода прéдо мно́ю вíну, я́ко одесну́ю менé есть, да не подви́жуся. В си язýцы обыдо́ша мя, и й́менем Господним противля́хся им. Благословéн Господь, й́же не даде́ нас в лови́тву зубóм их. Храни́т Господь ду́ши преподо́бных Свои́х. Восхва́ляются преподо́бнии во сла́ве и возра́дуются на лóжах свои́х. Честна́ пред Гóсподем смерть преподо́бных Егó. Пóйте Гóсподеви, преподо́бнии Егó, и испове́дайте па́мь святы́ни Егó, во всех лю́дех чудеса́ Егó.

*Пóсле оконча́ния кажде́ния:*

**Хор:** Сла́ва Отцу́ и Сы́ну и Свято́му Ду́ху и ны́не и прýсно и во ве́ки веко́в. Ами́нь.

**Аллилу́иа, аллилу́иа, аллилу́иа, сла́ва Тебе́, Бо́же. (Два́жды)**

**Духовéнство:** Аллилу́иа, аллилу́иа, аллилу́иа, сла́ва Тебе́, Бо́же. (Еди́ножды)

Ублажа́ем тя, преподо́бне óтче Мефо́дие, и чтим святу́ю па́мь твою́, наста́вниче мона́хов и собесéдниче А́нгелов.

## ЕКТЕНИЯ́ МА́ЛАЯ

**Диáкон:** Па́ки и па́ки ми́ром Гóсподу помóлимся.

**Хор:** Гóсподи, помíлуй.

**Диáкон:** Заступи́, спаси́, помíлуй и сохрани́ нас, Бо́же, Твое́ю благода́тию.

**Хор:** Гóсподи, помíлуй.

**Диáкон:** Пресвяту́ю, Пречи́стую, Преблагословéнную, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

**Хор:** Тебе́, Гóсподи.

**Иерéй:** Я́ко Благослови́ся й́мя Твое́, и просла́вися Цáрство Твое́, Отца́ и Сы́на и Свята́го Ду́ха ны́не и прýсно и во ве́ки веко́в.

**Хор:** Ами́нь.

**Чтец:**

## СЕДА́ЛЬНЫ ПО ПОЛИЕЛÉЮ:

*Седáлен преподобного, глас 4:*

Егда́ благода́ть Свята́го Ду́ха тя осení, óтче преподо́бне, тогда́ благословéнием Богоно́снаго Сэ́ргия утвержде́нный, обите́ль пусты́нную соста́вил еси́ и в сооруже́нии ея́ сам труди́лся еси́, трудолю́бцем óбраз и пра́вило быв. Тэмже моли́, Мефо́дие преблаже́нне, Подвигополо́жника Христа́ Бо́га спасти́ ду́ши на́ша.

*(Два́жды)*

**Сла́ва и ны́не, Богородичен:**

При́зри, Влады́чице, на рабы́ Твоя́ и умилосéрдися на лю́ди согрешíвшия: мо́жеша бо, елика́ хощеши, я́ко Ма́ти всех Творца́ Христа́ Бо́га. Тэмже Тя по до́лгу ублажа́ем.

## СТЕПÉННА 4ГО ГЛÁСА

### 1Й АНТИФОН:

**Хор:**

От юности моея мнози бѣрют мя страсти, но Сам мя заступи, и спаси, Спасе мой.  
Ненавидящи Сиона, посрамитесь от Господа, яко трава бо огнемъ будете изсохше.  
Слава и ныне: Святымъ Духомъ всяка душа живится, и чистотою возвышается, светлется  
Троическимъ Единствомъ священнотайне.

**ПРОКИМЕНЪ УТРЕНИ:**

**Диакон:** Вѣнемъ. Премудрость вѣнемъ, прокименъ **гласъ 4:** Честна предъ Господемъ смерть преподобныхъ Егѣ.

**Хор:** Честна предъ Господемъ смерть преподобныхъ Егѣ.

**Диакон:** Что воздамъ Господеву о всехъ, яже воздаде ми?

**Хор:** Честна предъ Господемъ смерть преподобныхъ Егѣ.

**Диакон:** Честна предъ Господемъ.

**Хор:** Смерть преподобныхъ Егѣ.

**Диакон:** Господу помѣлимся

**Хор:** Господи, помѣлуй

**Иерей:** Яко Святъ еси Бѣже нашъ, и Тебѣ славу воссылаемъ, Отцу и Сыну и Святому Духу,  
ныне и присно и во веки вековъ.

**Хор:** Аминь

**Диакон:** Всякое дыханіе да хвалитъ Господа.

**Хор:** Всякое дыханіе да хвалитъ Господа.

**Диакон:** Хвалите Бога во святыхъ Егѣ, хвалите Егѣ во утверженіи силы Егѣ.

**Хор:** Всякое дыханіе да хвалитъ Господа.

**Диакон:** Всякое дыханіе

**Хор:** Да хвалитъ Господа.

**Диакон:** И о сподобитися намъ слышанію Святаго Евангелія, Господа Бога молимъ.

**Хор:** Господи, помѣлуй. (Трижды)

**Диакон:** Премудрость, прости, услышимъ Святаго Евангелія.

**Иерей:** Миръ всемъ.

**Хор:** И духови твоему.

**Иерей:** Отъ Матфея Святаго Евангелія чтеніе.

**Хор:** Слава, Тебѣ, Господи, слава Тебѣ.

**Диакон:** Вѣнемъ.

**ЧТЕНІЕ ЕВАНГЕЛІЯ:**

*Чтеніе преподобнаго (Мф. 11:27–30, зач. 43):*

**Иерей:** Рече Господь Своимъ ученикомъ: вся Мне предана суть Отцемъ Моимъ, и никтоже знаетъ Сына, токмо Отецъ, ни Отца кто знаетъ, токмо Сынъ, и емуже аще волитъ Сынъ открыти. Приидите ко Мне вси труждающіися и обремененніи, и азъ упокою вы. Возмите иго Моё на себѣ, и научитесь отъ Менѣ, яко кротокъ есмь и смиренъ сердцемъ, и обрящете покой душамъ вашимъ. Иго бо Моё благо, и бремя Моё легко есть.

**Хор:** Слава, Тебѣ, Господи, слава Тебѣ.

Псаломъ 50:

Помѣлуй мя, Бѣже, по велицей милости Твоей, и по множеству щедротъ Твоихъ очисти беззаконіе моё. Наипаче омѣй мя отъ беззаконія моего, и отъ грѣха моего очисти мя. Яко беззаконіе моё азъ знаю и грѣхъ мой предо мною есть вина. Тебѣ Единому согрѣшихъ, и лукавое предъ Тобою сотворихъ, яко да оправдишися во словесехъ Твоихъ и победиши, внегда

судити Ти. Се бо в беззаконіих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омыеши мя, и паче снега убелюся. Слуху моему даши радость и веселие, возрадуются кости смиренныя. Отврати лице Твое от грех моих, и вся беззаконія моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския, тогда благоволиши жертву правды, возношение и всесожегаемая: тогда возложат на олтарь Твой тельцы.

**Глас 6:**

**Хор: Слава Отцу и Сыну и Святому Духу:**

Молитвами преподобнаго Мефодия, Милостиве, очисти множество согрешений наших.

**И ныне и присно и во веки веков. Аминь:**

Молитвами Богородицы, Милостиве, очисти множество согрешений наших.

**Хор, глас 6:**

Помилуй мя, Боже, по велицей милости Твоей, и по множеству щедрот Твоих очисти беззаконие мое.

*Стихира преподобнаго, глас 6:*

Богоносне и преблаженне отче Мефодие, ты усердно претерпел еси пустынное озлобление, страхования бесовская мужески победил еси и, яко солнце, лучами чудес просиял еси в мире, сего ради почитаем святую и всечестную память твою.

**Диакон<sup>2</sup>:** Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя, молитвами всепречистыя Владычицы нашея Богородицы и Приснодевы Марии, силою Честнаго и Животворящаго Креста, предстательства честных Небесных Сил бесплотных, честнаго, славнаго пророка, Предтечи и Крестителя Иоанна, святых славных и всехвальных Апостол, иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго, иже во святых отца нашего Николая, архиепископа Мирликийскаго, чудотворца, святых равноапостольных Мефодия и Кирилла, учителей словенских, святых равноапостольных великаго князя Владимира и великия княгини Ольги, иже во святых отец наших: святителя Михайла, первого митрополита Киевскаго, первосвятителей Московских и всея Руси: Петра, Алексия, Ионы, Макария, Филиппа, Иова, Еρμοге́на и Тихона, митрополитов Московских Филарета, Иннокентия и Макария. Святых, славных и добропобедных мучеников, новомучеников и исповедников Церкви Русския: Владимира, митрополита Киевскаго, Вениамина, митрополита Петроградскаго, Петра, митрополита Крутицкаго, Илариона, архиепископа Верейскаго, святых царственных страстотерпцев, преподобномучениц великия княгини Елисаветы и инокини Варвары, преподобных и богоносных отец наших, преподобных отец старцев Оптинских, святых праведных Иоанна Кронштадтскаго и Алексия Московскаго, святых блаженных Ксении Петербуржския и Матроны Московския, святых и праведных богоотец Иоакима и Анны

<sup>2</sup> Может быть пропущено, смотреть как принято у вас на приходе, если пропускается, тогда сразу возглас: Милостию и щедротами...

*(и святого имярек, егоже есть храм и егоже есть день), и всех святых. Молим Тя, многомилостиве Господи, услыши нас, грешных, молящихся Тебе, и помилуй нас.*

**Хор: Господи, помилуй (12 раз)**

**Иерей:** Милостию и щедротами и человеколюбием единородного Твоего Сына, с Нимже благословен еси, со Пресвятым, и Благим, и Животворящим Твоим Духом, ныне и присно, и во веки веков.

**Хор: Амѣнь.**

### **КАНОН:**

**В храме Господском, Богородицы и Святого:**

**«На 4»:**

### **Песнь 1**

**Ирмос, глас 8:**

Воду прошед, яко сушу, и египетскаго зла избежав, израильтянин вопияше: Избавителю и Богу нашему поим.

**Припев 1: Пресвятая Богородице, спаси нас.**

Многими содержимь напастьми, к Тебе прибегаю, спасения искый: о, Мати Слова и Дево, от тяжких и лютых мя спаси.

**Припев 2: Пресвятая Богородице, спаси нас.**

Страстей мя смущают прилози, многого уныния исполнити мою душу; умири, Отроковице, тишиною Сына и Бога Твоего, Всенепорочная.

**Припев 3: Преподобне отче Мефодие, моли Бога о нас.**

Моря страстного пучиною обуреваемы, к Тебе, Иисусе Всеблагий, прибегающе, вопием: от тимения страстей нас избави, да в тишине духа угоднику Твоему песнь хвалебную принесем, егоже чудесы славно прославил еси.

**Припев 4: Преподобне отче Мефодие, моли Бога о нас.**

Морю песок предел положивый Господь, ты избра, преподобне отче Мефодие, от юности Ему благоугождати и сего ради к великому Сергию ты настави, от негоже подвигом духовным научився, в них славно прославился еси.

**Слава Отцу и Сыну и Святому Духу и ныне и присно и во веки веков. Амѣнь.**

**Катавасия, глас 4:**

Отверзу уста моя, и наполнятся Духа, и слово отрыгну Царице Матери, и явлюся светло торжествуя, и воспою радуясь Той чудеса.

### **Песнь 3**

**Ирмос, глас 8:**

Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Единое Человеколюбче.

**Припев 1: Пресвятая Богородице, спаси нас.**

Предстательство и покров жизни моея полагаю Тя, Богородительнице Дево: Ты мя окорми ко пристанищу Твоему, благих виновна; верных утверждение, едина Всепетая.

**Припев 2: Пресвятая Богородице, спаси нас.**

Молю, Дево, душевное смущение и печали моея бурю разорити: Ты бо, Богоневестная, начальника тишины Христа родила еси, едина Пречистая.

**Припев 3: Преподобне отче Мефодие, моли Бога о нас.**

Утвердѣл еси на камени заповедей Христовых сердце твоё, преподобне отче Мефодие, узким и прискорбным путём шествовал еси, алчбою и жаждею плоть свою изнуряя блаженнаго ради будущаго покая, егже получив, веселишия вечно со святыми.

**Припев 4: Преподобне отче Мефодие, моли Бога о нас.**

Утверждённый благословением и молитвою преподобнаго Сергия, в пустыню удалился еси, отче Мефодие, и, в ней многолетне потрудився, обитель иноком возградил еси, яже спасения ходатаица бысть многим.

**Слава Отцу и Сыну и Святому Духу и ныне и присно и во веки веков. Аминь.**

**Катавасия, глас 4:**

Твоя песнословцы, Богородице, живый и независтный Источниче, лик себе совокупльшыя духовно утверди в Божественней Твоей славе, венцев славы сподоби.

#### **ЕКТЕНИЯ МАЛАЯ.**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Ты еси Бог наш, и Тебе славу воссылаем, Отцу и Сыну и Святому Духу, ныне и присно и во веки веков.

**Хор:** Аминь.

**Чтец:**

*Седален, преподобного, глас 4:*

Скорый помощник являешься, преподобне отче Мефодие, с верою в молитвах ты призывающим: дадеся бо тебе от Господа благодать недуги врачевати и скорби утоляти, обитель же твою святую и по смерти назирати. Сего ради с любовью почитаем святую и всерадостную память твою.

*(Дважды)*

**Слава и ныне, Богородице, глас 4:**

Скорый Твой покров, и помощь, и милость покажи на рабы Твоя, и волны, Чистая, укроти светных помыслов, и падшую мою душу возстави, Богородице: вем бо, вем, Дево, яко можеша, елико хочеша.

#### **Песнь 4**

**Ирмос, глас 8:**

Услышах, Господи, смотрения Твоего таинство, разумех дела Твоя и прославих Твое Божество.

**Припев 1: Пресвятая Богородице, спаси нас.**

Страстей моих смущение, кормчию рождающая Господа, и бурю утиши моих прегрешений, Богоневестная.

**Припев 2: Пресвятая Богородице, спаси нас.**

Милосердия Твоего бездну призывающую подаждь ми, яже Благосердаго рождающая и Спаса всех поющих Тя.

**Припев 3: Преподобне отче Мефодие, моли Бога о нас.**

Пророком Божиим Илий и Крестителю уподобился еси, преподобне отче Мефодие, пустынный житель быв, яко голубица уединенная, славословия песни едины Единому Христу возносил еси, воспевая Того Божественное низхождение.

**Припев 4: Преподобне отче Мефодие, моли Бога о нас.**

Пророчески провидев преподобный Сергей имевшую устроиться в пустыни твоей обитель, пришед к тебе, отче Мефодие, избрал и благословил место, на сооружение обители удобное, егже посещением обрадован быв, вкупе с ним воспевал еси Спасово Божественное низхождение.

**Слава Отцу и Сыну и Святому Духу и ныне и присно и во веки веков. Аминь.**

**Катавасия, глас 4:**

Седая в славе на Престоле Божества, во облаце легче прииде Иисус Пребожественный, нетленною дланию, и спасе зовущия: слава, Христе, силе Твоей.

### Песнь 5

**Ирмос, глас 8:**

Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

**Припев 1: Пресвятая Богородице, спаси нас.**

Исполни, Чистая, веселия сердце мое, Твою нетленную даючи радость, веселия рождающая Виновного.

**Припев 2: Пресвятая Богородице, спаси нас.**

Избави нас от бед, Богородице Чистая, вечное рождающая избавление, и мир, всяк ум преимуший.

**Припев 3: Преподобне отче Мефодие, моли Бога о нас.**

Господа Бога освятил еси в души твоей, преподобне отче, и жертвенник мысленный душу твою соделал еси, на немже жертву хвалы Господеви возносил еси во смирении духа, немолчно призывая Имя Божие спасительное.

**Припев 4: Преподобне отче Мефодие, моли Бога о нас.**

Господни заповеди животворныя имел еси написанныя на скрижалях сердца твоего, преподобне отче, и проповедник братии твоей был еси евангельскаго учения, к Небесы возводящаго человека, иже, послушающе сего, молитвенно приывают Божественное Христово Имя.

**Слава Отцу и Сыну и Святому Духу и ныне и присно и во веки веков. Аминь.**

**Катавасия, глас 4:**

Ужасошася всяческая о Божественной славе Твоей: Ты бо, неискособрачная Дево, имела еси во утробе над всеми Бога, и родила еси безлетного Сына, всем воспевающим Тя мир подавающая.

### Песнь 6

**Ирмос, глас 8:**

Молитву пролию ко Господу, и Тому возвещу печали моя, яко зол душа моя исполнися, и живот мой аду приблизися, и молюся, яко Иона: от тли, Боже, возведи мя.

**Припев 1: Пресвятая Богородице, спаси нас.**

Смерти и тли яко спасл еси, Сам Ся издав смерти, тлением и смертию мое естество, ято бывшее, Дево, моли Господа и Сына Твоего, врагов злодействия мя избавити.

**Припев 2: Пресвятая Богородице, спаси нас.**

Предстательницу Тя живота вем и хранительницу тверду, Дево, и напастей решающую молвы, и налоги бесов отгоняющую; и молюся всегда, от тли страстей моих избавити мя.

Припев 3: **Преподобне отче Мефодие, моли Бога о нас.**

Яко кипарис высоковерхий, возрасл еси, преподобне Мефодие, в пустыни неплодней и плодоношении духовными облагоухал еси Христову Церковь, обитель создав, и, в ней иноков множество населив, ихже словом и примером твоим ко Христу наставил еси.

Припев 4: **Преподобне отче Мефодие, моли Бога о нас.**

Яко присный ученик преподобнаго Сергия, отче Мефодие, в устройении обители ему подражал еси тощно, слезами молитвенными паче, неже богатством земным, сию созидавая и присно моляся ко Господу, да от тли греховных соблюдет дело руку твою.

**Слава Отцу и Сыну и Святому Духу и ныне и присно и во веки веков. Аминь.**

**Катавасия, глас 4:**

Божественное сие и всечестное совершающе празднество, богомудрии Богоматере, приидите руками восплещим, от Нея рождаемого Бога славим.

### **ЕКТЕНИЯ МАЛАЯ.**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Ты бо еси Царь мира и Спас душ наших, и Тебе славу воссылаем, Отцу и Сыну и Святому Духу, ныне и присно и во веки веков.

**Хор:** Аминь.

**Чтец:**

### *Кондак преподобного, глас 4:*

Послушания добрый рачитель быв, безплотных врагй слезными молитвами твоими крепко посрамил еси и явился еси Пресвятая Троицы жилище, Юже зря, блаженне, ясно, Богомудре Мефодие преподобне, чудес дар от Нея приял еси. Темже исцеляеши с верою приходящих недуги, утоляеши скорби и молишия непрестанно о всех нас.

### *Икос:*

Возлюбив Христовы Божественныя заповеди, возненавидел еси мира сего наслаждение: плоть твою, преподобне, во временней жизни постом, бдением и долу леганием изнурил еси и в умерщвленном телеси песни немолчныя, хвалы и славословия Троицному Богу приносил еси, Мефодие отче наш, от нас же слышиши песни таковыя: радуйся, Ангеле земный и человеце Небесный, Ангелы удививый жития твоего чистотою и человеки научивый благоугождати Богу; радуйся, светильниче немерцающий Божественныя благодати, в животe и по смерти сияяй чудесы и сими озаряяй души и сердца человеческия. Радуйся, присный наш заступниче и о душах наших ко Господу молитвенниче: молишися бо непрестанно о всех нас.

### **Песнь 7**

**Ирмос, глас 8:**

От Иудеи дошедше отроцы, в Вавилоне иногда, верою Троицскою пламень пещный попраша, поюще: отцев Боже, благословен еси.

Припев 1: **Пресвятая Богородице, спаси нас.**

Наше спасение якоже восхотел еси, Спасе, устроить, во утробу Девы вселился еси, Юже миру предстательницу показал еси: отец наших Боже, благословен еси.

**Припев 2: Пресвятая Богородице, спаси нас.**

Волителя милости, Егже родила еси, Мати чистая, умоли избавитися от прегрешений и душевных скверн верою зовущим: отец наших Боже, благословен еси.

**Припев 3: Преподобне отче Мефодие, моли Бога о нас.**

В пещи искушений пустынных, отче Мефодие, благодать Господню, ты орошающую, стяжал еси, преподобне, темже непобедим врагом невидимым показался еси и вся прилоги диавольския крепко сокрушил еси, зовый немолчно: благословен еси, Боже отец наших.

**Припев 4: Преподобне отче Мефодие, моли Бога о нас.**

Поревновал еси, преподобне отче, в житий твоём великим во отцех Антонию, Пахомию и Евфимию и, сих нраву и чистоте вину поучаяся, яко безплотен, на земли подвизался еси, сего ради сосуд избран Духу Святому сподобился еси быти, Егже действием чудеса преславная соделал еси в житий и по смерти, о нихже вернии благословляют Бога отец наших.

**Слава Отцу и Сыну и Святому Духу и ныне и присно и во веки веков. Аминь.**

**Катавасия, глас 4:**

Не послужиша твари богомудрии паче Создавшего, но огненное прещение мужески поправше, радовахуся поюще: препетый отец Господь и Бог благословен еси.

## Песнь 8

**Ирмос, глас 8:**

Царя Небеснаго, Егже поют вси Ангельстии, хвалите и превозносите во вся веки.

**Припев 1: Пресвятая Богородице, спаси нас.**

Помощи яже от Тебе требующия не презри, Дево, поущия и превозносящия Тя во веки.

**Припев 2: Пресвятая Богородице, спаси нас.**

Неможение души моея исцеляеши и телесныя болезни, Дево, да Тя прославлю, Чистая, во веки.

**Припев 3: Преподобне отче Мефодие, моли Бога о нас.**

Ангелы собеседники имел еси, преподобне отче, и, сими укрепляемый, в пустыни безлюдней многолетне пребыл еси, един Единому Богу работая. Сего ради ныне со Безплотными водворяешия и поеши хвалебную песнь Триединому Богу, Препетому и Превозносимому во веки.

**Припев 4: Преподобне отче Мефодие, моли Бога о нас.**

Ангела ты плотянаго вемы, преподобне отче Мефодие: ангелоподобно бо на земли пожил еси, и чистоту души и тела ревностно соблюл еси, ныне же водворяешия там, идеже ничтоже скверно входит, и поеши немолчную песнь Богу, Препетому и Превозносимому во веки.

**Благословим Отца, и Сына, и Святаго Духа, Господа и ныне и присно и во веки веков. Аминь.**

**Хор: Хвалим, благословим, поклоняемся Господеви, поюще и превозносяще во вся веки.**

**Катавасия, глас 4:**

Отроки благочестивыя в пещи, Рождество Богородичо спасло есть: тогда убо образуемое, ныне же действующее, вселенную всю воздвизает пети Тебе: Господа пойте дела, и превозносите Его во вся веки.

**Диакон:** Богородицу и Матерь Света в пѣснях возвеличим.

**Хор:** Величит душа Моя Господа, и возрадовася дух Мой о Бозе Спасе Моём.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Яко призре на смирение рабы Своея, се бо от ныне ублажат Мя вси роды.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Яко сотвори Мне величие Сильный, и свято Имя Его, и милость Его в роды родов боящимся Его.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Сотвори державу мышцею Своею, расточи гордыя мыслию сердца их.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Низложи сильные со престол, и вознесе смиренные; алчущия исполни благ, и богатящиеся отпусти тщи.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Восприят Израиля отрока Своего, помянути милости, якоже глагола ко отцем нашим, Аврааму и семени его, даже до века.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

## Песнь 9

### Ирмос, глас 8:

Воистинну Богородицу Тя исповедуем, спасеннии Тобою, Дево чистая, с безплотными лики Тя величающе.

Припев 1: **Пресвятая Богородице, спаси нас.**

Тока слез моих не отврати, Яже от всякаго лица всяку слезу отъемшаго, Дево, Христа рождшая.

Припев 2: **Пресвятая Богородице, спаси нас.**

Радости мое сердце исполни, Дево, Яже радости приемшая исполнение, греховную печаль потребляющи.

Припев 3: **Преподобне отче Мефодие, моли Бога о нас.**

Чужд был еси, преподобне, превозношения тщеславнаго и в смирении глубочем житие твое препроводил еси: образ смирения был еси твоим учеником, ихже присно поучал еси бегати душепагубныя гордыни и во смирении духа величати Христа Жизнодавца.

Припев 4: **Преподобне отче Мефодие, моли Бога о нас.**

Чуждым пришельцем и странником убогим врата обители твоея незатворена быша, преподобне отче, но, Авраамово страннолюбие стяжав, сия с любовью принимал и упокоевал еси, зря в них Самого Христа, Егоже присно величал еси.

**Слава Отцу и Сыну и Святому Духу и ныне и присно и во веки веков. Аминь.**

### Катавасия, глас 4:

Всяк земнородный да възиграется Духом просвещаемь, да торжествует же безплотных умов естество, почитающее священное торжество Богоматере, и да вопиет: радуйся, всеблаженная Богородице, Чистая Приснодево.

## ЕКТЕНИЯ МАЛАЯ.

**Диáкон:** Па́ки и па́ки мíром Го́споду помóлимся.

**Хор:** Го́споди, помíлуй.

**Диáкон:** Заступí, спасí, помíлуй и сохрани́ нас, Бо́же, Твоею́ благодáтию.

**Хор:** Го́споди, помилуй.

**Диáкон:** Пресвяту́ю, Пречи́стую, Преблагословенну́ю, Сла́вную Влады́чицу на́шу Богоро́дицу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

**Хор:** Тебе́, Го́споди.

**Иерей:** Яко́ Тя хва́лят вся си́лы небесны́я, и Тебе́ сла́ву воссыла́ем, Отцу́ и Сы́ну и Свято́му Ду́ху, ны́не и прíсно и во ве́ки веко́в.

**Хор:** Ами́нь.

### **СВЕТИ́ЛЬНЫ ПО КАНО́НУ:**

*Свети́лен преподобного:*

Процвёл еси́ в по́стнических по́двизех, прехва́льне о́тче, и плод чудотворе́ния принёсл еси́ Христо́вой Це́ркви, я́же има́ть тя, я́ко шипо́к благово́нен, мíром Ду́ха Свята́го напо́лненный, я́мже зловоние страсте́й упраздня́ется и исцеле́ния подаю́тся с ве́рою и любо́вию к тебе́ притека́ющим.

*(Два́жды)*

*Сла́ва и ны́не, Богоро́дичен:*

Тя пе́снями немóльными ублажа́ем, Де́во, я́ко от Трóицы Еди́наго родила́ еси́, Богоро́дице, и яви́ла еси́ нам, потемнённым, свет спасе́ния Божество́нным и Пречи́стым Твои́м рождество́м.

### **СТИХИ́РЫ НА ХВАЛИ́ТЕХ, ГЛАС 5:**

**Канона́рх:** **Глас пя́тый, Всякое дыха́ние да хва́лит Го́спода.**

**Хор:** Всякое дыха́ние да хва́лит Го́спода. Хвалите́ Го́спода с небес, хвалите́ Его́ в вы́шних. Тебе́ подобáет песнь Бо́гу.

Хвалите́ Его́ вси А́нгели Его́, хвалите́ Его́ вся си́лы Его́. Тебе́ подобáет песнь Бо́гу.

*Стихи́ры преподобного, глас 5:*

На 4. Стих: **Хвалите́ Его́ на си́лах Его́, хвалите́ Его́ по мно́жеству вели́чества Его́.**

Ра́дуйся, о́тче Мефо́дие, звездó пресвётлая, не́бо Росси́йския Це́ркве озари́вшая; ра́дуйся, вели́каго Серге́я пресла́вный учени́че и вселюби́мый, труда́ми подвиго́в твои́х ему́ подража́вый; ра́дуйся, предста́телю и помо́щниче ско́рый в моли́твах тя призыва́ющих: предвари́ и подви́гни святы́я моли́твы тво́я о нас ко Го́споду и да́нную ти от Него́ благодáтию недúги на́ша душе́вныя и телесны́я исцели́, прося́ дарова́ти нам ве́лию мило́сть.

Стих: **Хвалите́ Его́ во гла́се тру́бнем, хвалите́ Его́ во псалти́ри и гу́слех.**

*Та же стихи́ра.*

На 2. Стих: **Хвалите́ Его́ в тимпа́не и ли́це, хвалите́ Его́ во стру́нах и орга́не.**

Ра́дуйся, главо́ освящённая, жили́ще Ду́ха Свята́го, сосúде избра́нный Бо́жия благодáти, настави́ всех нас, о́тче, ходи́ти путём богоуго́дных исправле́ний твои́х и преклони́ся мило́стивно к гла́сом хвале́бным, я́мже честву́ем святу́ю и всера́достную па́мять твою́. Боля́щих целите́лю и печальны́х утешите́лю, помяни́ нас в моли́твах твои́х ко Го́споду и проси́ нам у бла́гости Его́ ве́лию мило́сть.

Стих: **Хвалите́ Его́ в кимва́лех доброгласных, хвалите́ Его́ в кимва́лех восклицáния. Всякое дыха́ние да хва́лит Го́спода.**

Ра́дуйся, ино́ков пра́вило, преподо́бных красото́, чудес́ Божественных соверши́телю, Мефо́дие Богоно́сне, блиста́ньми чудес́ твои́х озаря́яй оте́чество твоё земно́е и си́ми утвержда́яй нас в Правосла́вней ве́ре, честну́ю па́мь твою́ соверша́ющим, пода́ждь да́ры целе́бныя, коему́ждо по потре́бе, и моли́ Христа́ Бо́га дарова́ти нам ве́лию ми́лость.

**Сла́ва, стихира преподобного, глас 6:**

Преподо́бне отче Мефо́дие, во вся концы́ страны́ Росси́йския изы́де веща́ние чудес́ твои́х и сла́ва сострада́ния твоего́ к людем, сего́ ра́ди честву́ем с любо́вию святу́ю па́мь твою́, я́ко вели́каго уго́дника Бо́жия, чудотворца́ же пресла́внаго, и умы́льно глаго́лем: отче преподо́бне, моли́ся ко Го́споду о спасе́нии душ на́ших.

**И ны́не, Богородичен, глас то́йже:**

Никто́же, притека́яй к Тебе́, посра́млен от Тебе́ исхо́дит, Пречи́стая Богороди́це Де́во, но про́сит благода́ти и прие́млет дарова́ние к поле́зному проше́нию.

**Иере́й:** Сла́ва Тебе́, показавшему нам свет.

**СЛАВОСЛОВИЕ ВЕЛИ́КОЕ:**

**Хор:** Сла́ва в вы́шних Бо́гу, и на земли́ мир, в челове́цех благоволе́ние. Хва́лим Тя, благослови́м Тя, кла́няем Ти ся, славослови́м Тя, благодарим́ Тя, вели́кия ра́ди сла́вы Твоея́. Го́споди Царю́ Небе́сный, Бо́же Отче Вседержи́телю, Го́споди, Сы́не Единоро́дный, Иису́се Христе́, и Святы́й Ду́ше. Го́споди Бо́же, А́гнче Бо́жий, Сы́не Оте́чь, вземля́й грех ми́ра, помилуй нас; вземля́й грехи́ ми́ра, приими́ моли́тву на́шу; сядя́й одесну́ю Отца́, помилуй нас. Я́ко Ты еси́ еди́н Свят, Ты еси́ еди́н Го́сподь, Иису́с Христо́с, в сла́ву Бо́га Отца́. Ами́нь.

На всяк день благословлю́ Тя, и восхваляю́ И́мя Твое́ во ве́ки, и в век ве́ка.

Сподо́би, Го́споди, в день сей без греха́ сохра́ниться нам. Благословен еси́, Го́споди, Бо́же оте́ц на́ших, и хва́льно и просла́влено И́мя Твое́ во ве́ки. Ами́нь.

Бу́ди, Го́споди, ми́лость Твоя́ на нас, я́коже упова́хом на Тя.

**Благословен еси́, Го́споди, научи́ мя оправда́нием Твои́м. (Три́жды)**

Го́споди, прибе́жище был еси́ нам в род и род. Аз рех: Го́споди, помилуй мя, исцели́ ду́шу мою́, я́ко согреши́х Тебе́. Го́споди, к Тебе́ прибе́гох, научи́ мя твори́ти во́лю Твою́, я́ко Ты еси́ Бог мой: я́ко у Тебе́ исто́чник живота́, во све́те Твоём у́зрим свет. Проба́ви ми́лость Твою́ веду́щим Тя.

Святы́й Бо́же, Святы́й Кре́пкий, Святы́й Безсме́ртный, помилуй нас. (Три́жды)

**Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.**

Святы́й Безсме́ртный, помилуй нас.

Святы́й Бо́же, Святы́й Кре́пкий, Святы́й Безсме́ртный, помилуй нас.

**ТРОПАРИ́ ПО СЛАВОСЛОВИ́Ю:**

**Тропа́рь преподобного, глас 8:**

Божественно́ю любо́вию от ю́ности распала́емь, вся, я́же в ми́ре кра́сная, возненави́дев, Христа́ Еди́наго возлюбил еси́, и, сего́ ра́ди в пусты́ню всели́вся, в ней оби́тель сотвори́л еси́, и, собра́в ино́к мно́жество, прия́л еси́ от Бо́га чудес́ дар, отче Мефо́дие, и был еси́ о Христе́ собесе́дник и спо́стник преподо́бному Серге́ю, с нимже у Христа́ Бо́га испроси́ правосла́вным христиа́ном здра́вие, и спасе́ние, и душам на́шим ве́лию ми́лость.

**Сла́ва и ны́не, Богородичен, глас 8:**

И́же нас ра́ди рождейся от Де́вы и, распя́тие претерпе́в, Благо́й, испрове́ргий сме́ртию сме́рть и Воскресе́ние явлей́ я́ко Бог, не прэ́зри, я́же созда́л еси́ руко́ю Твое́ю, яви́ человеколю́бие Твое́, Ми́лостиве. Приими́ рождшу́ю Тя, Богороди́цу, моля́щуюся за ны, и спаси́, Спа́се наш, лю́ди отча́янные.

### ЕКТЕНИЯ СУГУБАЯ:

**Диакон:** Помилуй нас, Бóже, по велицей милости Твоей, молим Ти ся, услыши и помилуй.

**Хор:** Гóсподи, помилуй. *(Трижды, на каждое прошение)*

Ещё молимся о Великом Господине и Отце нашем Святэйшем Патриархе Кирилле, и о Господине нашем Высокопреосвященнейшем митрополите (или: архиепископе, или: преосвященнейшем епископе имярек), и всей во Христэ братии нашей.

Ещё молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Ещё молимся о блаженных и приснопамятных создателех святаго храма сего, и о всех преждепочивших отцех и братиях, zde лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святаго храма сего.

Ещё молимся о плодоносящих и добродетельных во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

**Иерей:** Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

### ЕКТЕНИЯ ПРОСИТЕЛЬНАЯ:

**Диакон:** Исполним утреннюю молитву нашу Господеву.

**Хор:** Гóсподи, помилуй.

**Диакон:** Заступи, спаси, помилуй и сохрани нас, Бóже, Твоею благодатию.

**Хор:** Гóсподи, помилуй.

**Диакон:** Дне всего совершенна, свята, мирна и безгрешна у Господа просим.

**Хор:** Подай, Гóсподи. *(На каждое прошение)*

**Диакон:** Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

**Хор:** Тебе, Гóсподи.

**Иерей:** Яко Бог милости, щедрот и человеколюбия еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Хор:** Аминь.

**Иерей:** Мир всем.

**Хор:** И духови твоему.

**Диакон:** Главы наша Господеву приклоним.

**Хор:** Тебе, Гóсподи.

**Иерей:** Твое бо есть, еже милovati и спасати ны, Бóже наш, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Амѣнь.

**Диакон:** Премудрость.

**Хор:** Благослові.

**Иерей:** Сый благословѣн Христос Бог наш, всегда, ныне и присно и во веки веков.

**Хор:** Амѣнь. Утверди, Боже, святую православную веру, православных христиан во век века.

**Иерей:** Пресвятая Богородице, спаси нас.

**Хор:** Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

**Иерей:** Слава Тебе, Христе Боже, Упование наше, слава Тебе.

**Хор:** Слава Отцу и Сыну и Святому Духу, и ныне и присно и во веки веков. Амѣнь. Господи, помилуй. *(Трижды)* Благослові.

**Иерей:** *Произносит праздничный или дневной отпуст.*

**Хор:** Великаго Господина и Отца нашего Кирилла, Святейшаго Патриарха Московского и всея Руси, и Господина нашего *(Высоко)* Преосвященнейшаго *(имярек)*, *(архи)*епископа *(митрополита (титул))*, богохранимую страну нашу Российскую, настоятеля, братию и прихожан святого храма сего и вся православныя христианы, Господи, сохрани их на многая лета.

## ПЕРВЫЙ ЧАС:

**Чтец:** Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

### Псалом 5:

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселитя к Тебе лукавнуяй, ниже пребудут беззаконницы пред очима Твоима: возненавидел еси вся делающия беззаконие. Погубиши вся глаголющия лжу: мужа кровей и лстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими лщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишия в них, и похвалятся о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

### Псалом 89:

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезоном гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезоном, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исхестит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

### Псалом 100:

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагях пред очима мойма вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несытым сердцем, с сим не ядах. Очи мой на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордынню, глаголяй неправедная, не исправляше пред очима мойма. Во утрия избивах вся грешныя земли, еже потребити от града Господня вся делающия беззаконие.

**Слава Отцу и Сыну и Святому Духу, и ныне и присно и во веки веков. Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

**Сла́ва Отцу́ и Сы́ну и Свято́му Ду́ху.**

*Тропа́рь преподо́бного, глас 8:*

Божественною любовью от юности распалаемь, вся, яже в мире красная, возненавидев, Христа Единого возлюбил еси, и, сего ради в пустыню вселився, в ней обитель сотворил еси, и, собрав иноков множество, приял еси от Бога чудес дар, отче Мефодие, и был еси о Христе собеседник и сподвиг преподобному Сергию, с нимже у Христа Бога испросил православным христианом здравие, и спасение, и душам нашим велию милость.

**И ныне и присно и во веки веков. Аминь.**

Что Ты наречем, о Благодатная? Небо, яко возсияла еси Солнце Правды. Рай, яко прозябла еси цвет нетления Деву, яко пребыла еси нетленна. Чистую Матерь, яко имела еси на святых Твоих объятиях Сына, всех Бога. Того моли спастися душам нашим.

Стопы моя направи по словеси Твоему и да не обладает мною всякое беззаконие. Избави мя от клеветы человеческия, и сохранию заповеди Твоя. Лице Твое просвети на раба Твоего и научи мя оправданием Твоим.

Да исполнятся уста моя хваления Твоего, Господи, яко да воспою славу Твою, весь день великолепие Твое.

**ТРИСВЯТОЕ ПО ОТЧЕ НАШ:**

Святый Боже, Святый Крепкий, Святый Безсмертный, помилуй нас. *(Трижды)*

**Сла́ва Отцу́ и Сы́ну и Свято́му Ду́ху, и ныне и присно и во веки веков. Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, *(Трижды)*

**Сла́ва Отцу́ и Сы́ну и Свято́му Ду́ху, и ныне и присно и во веки веков. Аминь.**

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** Аминь.

*Конда́к преподо́бного, глас 4:*

Послушания добрый рачитель быв, безплотныя враги слезными молитвами твоими крепко посрамил еси и явился еси Пресвятых Троицы жилище, Юже зря, блаженне, ясно, Богоумдре Мефодие преподобне, чудес дар от Нея приял еси. Темже исцеляеши с верою приходящих недуги, утоляеши скорби и молишися непрестанно о всех нас.

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. *(Трижды)*

**Сла́ва Отцу́ и Сы́ну и Свято́му Ду́ху, и ныне и присно и во веки веков. Аминь.**

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

**Иерей:** Бóже, ущедри ны и благослови ны, просвети лице Твое на ны и помилуй ны.

**Чтец:** Амѣнь.

**Иерей:** Христѣ, Свѣте Истинный, просвещаяй и освящаяй всякаго человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, амѣнь.

**Хор:** Взбранной Воеводе победительная, яко избавльшеся от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовем Ти; радуйся, Невѣсто Невѣстная.

**Иерей:** Слава Тебѣ, Христѣ Бóже, упование наше, слава Тебѣ.

**Хор:** Слава Отцу и Сыну и Святому Духу, и ныне и присно и во веки веков. Амѣнь. Господи, помилуй. (Трижды) *Благослови.*

**Иерей:** *Отпуст праздника или дня.*

**Хор:** Великаго Господина и Отца нашего Кирилла, Святейшаго Патриарха Московскаго и всея Руси, и Господина нашего (Высоко)Преосвященнейшаго (имярек), (архи)епископа (митрополита (титул)), богохранимую страну нашу Российскую, настоятеля, братию и прихожан святаго храма сего и вся православныя христианы, Господи, сохрани их на многая лета.

### ТРЕТИЙ ЧАС:

**Иерей:** Благословен Бог наш всегда, ныне и присно, и во веки веков.

**Чтец:** Амѣнь.

Слава Тебѣ, Бóже наш, слава Тебѣ.

Царю Небесный, Утешителю, Духе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

### ТРИСВЯТОЕ ПО ОТЧЕ НАШ:

**Чтец:** Святый Бóже, Святый Крепкий, Святый Безсмертный, помилуй нас. (Трижды)

**Слава Отцу и Сыну и Святому Духу, и ныне и присно и во веки веков. Амѣнь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды)

**Слава Отцу и Сыну и Святому Духу, и ныне и присно и во веки веков. Амѣнь.**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** Амѣнь. Господи, помилуй. (12 раз)

**Слава Отцу и Сыну и Святому Духу, и ныне и присно и во веки веков. Амѣнь.**

Приидите, поклонимся Цареву нашему Богу.

Приидите, поклонимся и припадѣм Христу, Цареву нашему Богу.

Приидите, поклонимся и припадѣм Самому Христу, Цареву и Богу нашему.

Псалом 16:

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретете во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз воззвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасаая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыши мя. От лица нечестивых острастших мя, врази мой душу мою одержаша. Тук свой затвориша, уста их глаголаша гордыню. Изгоняющие мя ныне обыдоша мя, очи свой возложиша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внемда явити ми ся славе Твоей.

Псалом 24:

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мой, ибо вси терпящие Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благости Твоея, Господи. Благ и прав Господь, сего ради законоположит согрешающим на пути. Наставит кроткия на суд, научит кроткия путем Своим. Все пути Господни милость и истина, взыскающим завета Его, и свидения Его. Ради имене Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои вину ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Виждь смирение мое, и труд мой, и остави вся грехи моя. Виждь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобиви и правии прилеплюся мне, яко потерпех Тя, Господи. Избави, Боже, Израиля от всех скорбей его.

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесах Твоих, и победиши внемда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очышуся; омьеша мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят

хвалу Твою. Яко аще бы восхотел еси жертвы, дал бых убо: всеожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всеожегаемая; тогда возложат на олтарь Твой тельцы.

**Слава Отцу и Сыну и Святому Духу и ныне и присно и во веки веков. Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

**Слава Отцу и Сыну и Святому Духу.**

*Тропарь преподобного, глас 8:*

Божественною любовью от юности распалаемь, вся, яже в мире красная, возненавидев, Христа Единого возлюбил еси, и, сего ради в пустыню вселився, в ней обитель сотворил еси, и, собрав инок множество, приял еси от Бога чудес дар, отче Мефодие, и был еси о Христе собеседник и спостник преподобному Сергию, с нимже у Христа Бога испроси православным христианом здравие, и спасение, и душам нашим велию милость.

**И ныне и присно и во веки веков. Аминь.**

Богородице, Ты еси лоза истинная, возрастившая нам Плод живота, Тебе молимся: молись, Владычице, со святыми апостолы помилovati души наша.

Господь Бог благословен, благословен Господь день дне, поспешит нам Бог спасений наших, Бог наш, Бог спасати.

**ТРИСВЯТОЕ ПО ОТЧЕ НАШ:**

**Чтец:** Святой Боже, Святой Крепкий, Святой Безсмертный, помилуй нас. *(Трижды)*

**Слава Отцу и Сыну и Святому Духу, и ныне и присно и во веки веков. Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды)*

**Слава Отцу и Сыну и Святому Духу, и ныне и присно и во веки веков. Аминь.**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** Аминь.

*Кондак преподобного, глас 4:*

Послушания добрый рачитель быв, безплотныя враги слезными молитвами твоими крепко посрамил еси и явился еси Пресвятыя Троицы жилище, Юже зря, блаженне, ясно, Богомудре Мефодие преподобне, чудес дар от Нея приял еси. Темже исцеляеши с верою приходящих недуги, утоляеши скорби и молишия непрестанно о всех нас.

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их

соблюдаеми и наставляеми, достигнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Го́споди поми́луй. (Три́жды)

Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в. Ами́нь.

Честне́йшую Херуві́м и Сла́внейшую без сравне́ния Серафі́м, без ислéния Бо́га Сло́ва ро́ждшую, су́щую Богоро́дицу, Тя велича́ем.

И́менем Господ́ним благослови́, о́тче.

**Иерей:** Молітвами святы́х о́тец на́ших, Го́споди Иису́се Христе́, Бо́же наш, поми́луй нас.

**Чтец:** Ами́нь. Влады́ко Бо́же О́тче Вседержі́телю, Го́споди Сы́не Единоро́дный Иису́се Христе́, и Святы́й Ду́ше, Еди́но Божество́, Еди́на Си́ла, поми́луй мя, грéшнаго, и і́миже ве́си судьба́ми, спаси́ мя, недостойна́го раба́ Твоего́, я́ко благослове́н еси́ во ве́ки веко́в, ами́нь.

### ШЕСТО́Й ЧАС:

**Чтец:** Прииді́те, поклоні́мся Царе́ви на́шему Бо́гу.

Прииді́те, поклоні́мся и припаде́м Христу́, Царе́ви на́шему Бо́гу.

Прииді́те, поклоні́мся и припаде́м Самому́ Христу́, Царе́ви и Бо́гу на́шему.

#### Псалом 53:

Бо́же, во і́мя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Я́ко чу́ждии воста́ша на мя и кре́пции взыска́ша ду́шу мою́, и не предложі́ша Бо́га пред собо́ю. Се бо Бог помога́ет ми, и Госпо́дь Засту́пник души́ мое́й. Отврати́т злая́ враго́м мо́им, і́стиною Твое́ю потребі́ их. Волею́ пожру́ Тебе́, испове́мся і́мени Твоему́, Го́споди, я́ко бла́го, я́ко от вся́кия печа́ли изба́вил мя еси́, и на враги́ моя́ возре́ око́ мое́.

#### Псалом 54:

Внуши́, Бо́же, моли́тву мою́ и не презри́ моле́ния моего́. Вонми́ ми и услы́ши мя: возскорбе́х печа́лию мое́ю и смято́хся. От гласа́ вра́жия и от стужéния грéшника, я́ко уклони́ша на мя беззакóние и во гнéве враждова́ху ми. Сердце́ мое́ смяте́ся во мне и боя́знь сме́рти нападе́ на мя. Страх и трéпет при́иде на мя и покры́ мя тьма. И рех: кто даст ми криле́, я́ко голубі́не, и полещу́, и почи́ю? Се удали́хся бéгая и водвори́хся в пусты́ни. Ча́ях Бо́га, спаса́ющаго мя от малоду́шия и от бу́ри. Потопи́, Го́споди, и раздели́ язы́ки их: я́ко ви́дех беззакóние и пререка́ние во гра́де. Днем и но́щию обы́дет і́ по стена́м егó. Беззакóние и труд посреде́ егó и неправда. И не оскуде́ от стогн егó ли́хва и лесть. Я́ко а́ще бы враг поноси́л ми, претерпе́л бых у́бо, и а́ще бы ненави́дѣя́ мя на мя велерече́вал, укры́л бых ся от него́. Ты же, челове́че равноду́шне, влады́ко мой и зна́емый мой, і́же купно наслажда́лся еси́ со мно́ю бра́шен, в до́му́ Бо́жии ході́хом единомышлэ́нием. Да при́идет же смерть на ня, и да сні́дут во ад жи́ви, я́ко лука́вство в жили́щах их, посреде́ их. Аз к Бо́гу воззва́х, и Госпо́дь услы́ша мя. Вéчер и заўтра, и полудне́ повéм, и возвещу́, и услы́шит глас мой. Изба́вит міром ду́шу мою́ от приближа́ющихся мне, я́ко во мно́зе бя́ху со мно́ю. Услы́шит Бог и смири́т я́, Сый прэ́жде век. Несть бо им изменéния, я́ко не убо́яшася Бо́га. Простре́ ру́ку свою́ на воздая́ние, оскверни́ша завет Егó. Раздели́шася от гнéва лица́ Егó, и прибли́жишася сердца́ их, умя́кнуша словеса́ их па́че елéа, и та суть стрéлы. Возвэ́рзи на Го́спода печа́ль твою́, и Той тя препита́ет, не даст в век молвы́ праведнику. Ты же, Бо́же, низведе́ши я в студенéц ислéния, му́жие кровей и льсти не преполовя́т дней свои́х. Аз же, Го́споди, упова́ю на Тя.

#### Псалом 90:

Живы́й в по́мощи Вы́шняго, в кро́ве Бо́га Небéснаго водвори́тся. Рече́т Го́сподеви: Засту́пник мой еси́ и Прибе́жище мое́, Бог мой, и упова́ю на Него́. Я́ко Той изба́вит тя от

сѣти лóвчи и от словесѣ мятѣжна, плещмá Свойма осенитъ тя, и под крилѣ Егó надѣешия: ору́жием обы́детъ тя ѣстина Егó. Не убойшия от стра́ха но́щнаго, от стрелы́ летя́щия во дни, от вѣщи во тме преходя́щия, от сря́ца и бѣса полуденнаго. Падѣт от страны́ твоея́ ты́сяща, и тма одесну́ю тебѣ, к тебѣ же не прибли́жится, обáче очы́ма твоима смóтриши, и воздая́ние грѣшниковъ ўзриши. Яко Ты, Гóсподи, уповáние моѣ, Вы́шняго положилъ еси́ при́бежище твое́. Не придетъ к тебѣ зло и рана не прибли́жится телесы́ твоему́, яко Ангеломъ Своимъ заповѣсть о тебѣ, сохранити́ тя во всехъ путѣхъ твоихъ. На рукахъ вóзмутъ тя, да не когда́ преткне́ши о ка́мень но́гу твою́, на а́спида и васили́ска настúпиши, и поперѣши льва и змíя. Яко на Мя уповá и избáвлю ѣ, покрýю ѣ, яко познá ѣмя Моѣ. Воззоветъ ко Мне и услы́шу егó, с нимъ есмь в скóрби, измý егó и прослáвлю егó, долготóю дней испóлню егó и явлý емý спасѣние Моѣ.

**Слáва Отцú и Сы́ну и Свято́му Дúху и ны́не и прýсно и во вѣки веко́в. Амíнь.**

Аллилу́иа, аллилу́иа, аллилу́иа, слáва Тебѣ Бóже. *(Трúжды)*

Гóсподи, помíлуй. *(Трúжды)*

**Слáва Отцú и Сы́ну и Свято́му Дúху.**

*Тропа́рь преподобнаго, гласъ 8:*

Божѣственною любóвию от юности распала́емъ, вся, яже в мýре красная, возненавíдевъ, Христа́ Едýнаго возлюбилъ еси́, и, сегó рáди в пусты́ню вселíвся, в ней обýтель сотворилъ еси́, и, собравъ ѣнокъ мнóжество, прия́лъ еси́ от Бóга чудесъ дар, óтче Мефóдие, и былъ еси́ о Христѣ собесѣдникъ и спóстникъ преподóбному Сѣргию, с нímже у Христа́ Бóга испроси́ правослáвнымъ христиáномъ здравие, и спасѣние, и душáм нáшимъ вѣлию мýлость.

**И ны́не и прýсно и во вѣки веко́в. Амíнь.**

Яко не ѣмамы дерзновѣния за премнóгия грехы́ нáша, Ты ѣже от Тебѣ Рóждшагося моли́, Богорóдице Дѣво, мнóго бо мóжет молѣние Мáтернее ко благосѣрдию Влады́ки. Не прѣзри грѣшныхъ мольбы́, Всечы́стая, яко мýлостивъ есть и спасти́ мógий, Ёже и страдáти о нас извóливый.

Скóро да предваря́тъ ны щедрóты Твоя́, Гóсподи, яко обнищáхомъ зело́; помози́ намъ, Бóже, Спа́се нашъ, слáвы рáди Ёмене Твоегó, Гóсподи, избáви нас и очы́сти грехы́ нáша, Ёмене рáди Твоегó.

**ТРИСВЯТО́Е ПО ÓТЧЕ НАШ:**

**Чтецъ:** Святы́й Бóже, Святы́й Кре́пкий, Святы́й Безсмѣртный, помíлуй нас. *(Трúжды)*

**Слáва Отцú и Сы́ну и Свято́му Дúху, и ны́не и прýсно и во вѣки веко́в. Амíнь.**

Пресвятáя Трóице, помíлуй нас; Гóсподи, очы́сти грехы́ нáша; Влады́ко, прости́ беззакóнныя нáша; Святы́й, посети́ и исцели́ нѣмощи нáша, ѣмене Твоегó рáди.

Гóсподи, помíлуй. *(Трúжды)*

**Слáва Отцú и Сы́ну и Свято́му Дúху, и ны́не и прýсно и во вѣки веко́в. Амíнь.**

Óтче нашъ, Ёже еси́ на Небесѣхъ, да святýтся ѣмя Твое́, да придетъ Цáрствие Твое́, да бýдетъ во́ля Твоя́, яко на Небесы́ и на землй́. Хлебъ нашъ насущный да́ждь намъ днесъ; и остави́ намъ дóлги нáша, якоже и мы оставля́емъ должникóмъ нáшимъ; и не введи́ нас во искушѣние, но избáви нас от лука́ваго.

**Иерей:** Яко Твое́ есть Цáрство и сýла и слáва Отцá и Сы́на и Свята́го Дúха, ны́не и прýсно и во вѣки веко́в.

**Чтецъ:** Амíнь.

*Конда́къ преподобнаго, гласъ 4:*

Послушáния дóбрый рачы́тель быв, безплóтныя врагы́ слѣзными молы́твами твоими́ кре́пко посрамилъ еси́ и явилъся еси́ Пресвятýя Трóицы жили́ще, Ю́же зря, блаже́нне, я́сно,

Богомудре Мефодие преподобне, чудес дар от Нея приял еси. Темже исцеляеши с верою приходящих недуги, утоляеши скорби и молишия непрестанно о всех нас.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. (Трижды)

**Слава Отцу и Сыну и Святому Духу и ныне и присно и во веки веков. Аминь.**

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

**Иерей:** Молитвами святых отец наших, Господи Иисусе Христэ, Боже наш, помилуй нас.

**Чтец:** Аминь. Боже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердец наших в словеса или помышления лукавствия, но любовь Твоею уязви души наша, да, к Тебе всегда взирающе и еже от Тебе светом наставляеми, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков, аминь.

## БОЖЕСТВЕННАЯ ЛИТУРГИЯ

**Диакон:** Благословй, владыко.

**Иерей:** Благословено Царство Отца и Сына и Святаго Духа, ныне и присно и во веки веков.

**Хор:** Аминь.

### ВЕЛИКАЯ ЕКТЕНИЯ.

**Диакон:** Мiром Господу помолимся.

**Хор:** Господи, помилуй. *(На каждое прошение)*

**Диакон:** :О Свiшнем мiре и спасении душ наших, Господу помолимся.

О мiре всего мiра, благостоянии Святых Божиих Церквей и соединении всех, Господу помолимся.

О святём храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святейшем Патриархе Кирилле, и о Господине нашем, Высокопреосвященнейшем митрополите *(или: архиепископе, или: преосвященнейшем епископе имярек)*, честнем пресвитерстве, во Христе диаконстве, о всем причте и людех, Господу помолимся.

О Богохранимем странё нашей, властех и воинстве ея, Господу помолимся.

О граде сем *(или о веси сей)*, всяком граде, странё и верою живущих в них, Господу помолимся.

О благорастворении воздушных, о изобилии плодов земных и временах мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебё, Господи.

**Иерей:** Яко подобает Тебё всякая слава честь и поклонение, Отцу и Сыну и Святому Духу, ныне и присно и во веки веков.

**Хор:** Аминь.

### ПЕРВЫЙ АНТИФОН, ПСАЛОМ 102:

**Хор:**

Благословй, душе моя, Господа, благословен еси Господи.

Благословй, душе моя, Господа, и вся внутренняя моя имя святое Его. Благословй, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказал пути Своя Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже в век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны,

ущедри Господь боящихся Его. Яко Той позна создание наше, помяну, яко персть есмь. Человек, яко трава дне егo, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящи слово Его, услышати глас словес Его. Благословите Господа вся Силы Его, слуги Его, творящи волю Его. Благословите Господа вся дела Его, на всяком месте владычества Его.

Благослови, душе моя, Господа, и вся внутренняя моя имя святое Его. Благословен еси, Господи.

### ЕКТЕНИЯ МАЛАЯ

**Диакон:** Паки и паки, миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

**Хор:** Аминь.

### ВТОРОЙ АНТИФОН, ПСАЛОМ 145:

**Хор:**

Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою. В той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя. Господь умудряет слепцы. Господь возводит низверженные. Господь любит праведники. Господь хранит пришельцы, сира и вдову приимет и путь грешных погубит. Воцарится Господь во век, Бог твой, Сионе, в род и род.

### ЕДИНОРОДНЫЙ СЫНЕ:

**Хор:** Слава Отцу и Сыну и Святому Духу и ныне и присно и во веки веков. Аминь.

Единородный Сыне и Слове Божий, Безсмертен Сый и изволивый спасения нашего ради воплотиться от Святыя Богородицы и Приснодевы Марии, непреложно вочеловечивыйся, распный же, Христе Боже, смертью смертью поправый, Един Сый Святыя Троицы, прославляемый Отцу и Святому Духу, спаси нас.

### ЕКТЕНИЯ МАЛАЯ

**Диакон:** Паки и паки, миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебѣ, Гóсподи.

**Иерей:** Яко благ и человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

**Хор:** Амѣнь.

### ТРЕТИЙ АНТИФОН , БЛАЖЕННЫ:

**Хор:** Во Царствии Твоём помяни нас, Гóсподи, егда приидеши во Царствии Твоём.

На 12. Блажени нищии духом, яко тех есть Царство Небесное.

Блажени плачущии, яко тии утешатся.

На 10: Блажени кротции, яко тии наследят землю.

Блажени алчущии и жаждущии правды, яко тии насытятся.

*Преподобного, песнь 3-я*

На 8. Стих: Блажени милостивии, яко тии помиловани будут.

Утвердися сердце мое во Гóсподе, вознесся рог мой в Бóзе моём, разширишася на враги моя уста моя, возвеселихся о спасении Твоём.

Стих: Блажени чистии сердцем, яко тии Бóга узрят.

Утвердил еси на камени заповедей Христовых сердце твоё, преподобне отче Мефодие, узким и прискóрбным путём шествовал еси, алчбою и жаждою плоть свою изнуряя блаженнаго ради будущаго покая, егóже получи́в, весели́шия вечно со святы́ми.

На 6. Стих: Блажени миротворцы, яко тии сынове Бóжии нареку́тся.

Утверждённый благословением и молитвою преподобнаго Сѣргия, в пустыню удалился еси, отче Мефодие, и, в ней многолѣтне потрудився, обитель иноком возградил еси, яже спасения ходатаица бысть многим.

Стих: Блажени изгнани правды ради, яко тех есть Царство Небесное.

Утверждал еси словесы твоими душеспасительными братию твою, преподобне отче, и был еси образ благочестия твоим учеником, иже, тобою наставляеми, подражатели быша твоему житию святому и вкупе с тобою получи́ша спасение.

*Преподобного, песнь 6-я*

На 4. Стих: Блажени есте, егда поносят вам, и изженут, и рекут всяк зол глагол на вы, лжуще Мене ради.

Яко кипарис высоковерхий, возрасл еси, преподобне Мефодие, в пустыни неплодней и плодоношении духовными облагоухал еси Христову Церковь, обитель создав, и, в ней иноков множество населив, иже словом и примером твоим ко Христу наставил еси.

Стих: Радуйтесь и веселитесь, яко мзда ваша многа на небесех.

Яко присный ученик преподобнаго Сѣргия, отче Мефодие, в устроении обители ему подражал еси тощно, слезами молитвенными па́че, неже богатством земным, сию созида́я и присно моля́ся ко Гóсподу, да от тли греховныя соблюде́т дело руку́ твоёю.

**Слава Отцу и Сыну и Святому Духу.**

Яко воевода благоискусный, отче, воины духовныя в бранех со враги невидимыми к победам руководствовал еси: искушен бо был сам в подвизах пустынных, и искушаемым удобно помогал еси тли греховныя избегати.

**И ныне и присно и во веки веков. Амѣнь.**

Яко воистинну прибежище непостыдное христианом, и щит, и покров, Мати Божия, воспевающая Тя бед и скорбей свободи: Тя бо, Едину Благословенную в женах, Тобою тли греховныя избавльшиися, немолчными хвалами ублажаем.

### МАЛЫЙ ВХОД (С ЕВАНГЕЛИЕМ):

**Диакон:** Премудрость, прости.

**Хор:** Приидите, поклонимся и припадём ко Христу. Спаси ны, Сыне Божий, **во святых дивен сый**, поющия Ти: аллилуиа.

**ТРОПАРИ В ХРАМЕ ГОСПОДСКОМ И БОГОРОДИЦЫ:**

**Хор:**

**ТРОПАРЬ ХРАМА**

*Тропарь преподобного, глас 8:*

Божественною любовью от юности распалаемь, вся, яже в мире красная, возненавидев, Христа Единого возлюбил еси, и, сего ради в пустыню вселився, в ней обитель сотворил еси, и, собрав иноку множество, приял еси от Бога чудес дар, отче Мефодие, и был еси о Христе собеседник и сподвиг преподобному Сергию, с нимже у Христа Бога испроси православным христианом здравие, и спасение, и душам нашим велию милость.

**Слава, кондак преподобного, глас 4:**

Послушания добрый рачитель быв, безплотныя враги слезными молитвами твоими крепко посрамил еси и явился еси Пресвятыя Троицы жилище, Юже зря, блаженне, ясно, Богомудре Мефодие преподобне, чудес дар от Нея приял еси. Темже исцеляеши с верою приходящих недуги, утоляеши скорби и молишися непрестанно о всех нас.

**И ныне:**

**КОНДАК ХРАМА**

**ТРОПАРИ В ХРАМЕ СВЯТОГО:**

**Хор:**

**ТРОПАРЬ ХРАМА**

*Тропарь преподобного, глас 8:*

Божественною любовью от юности распалаемь, вся, яже в мире красная, возненавидев, Христа Единого возлюбил еси, и, сего ради в пустыню вселився, в ней обитель сотворил еси, и, собрав иноку множество, приял еси от Бога чудес дар, отче Мефодие, и был еси о Христе собеседник и сподвиг преподобному Сергию, с нимже у Христа Бога испроси православным христианом здравие, и спасение, и душам нашим велию милость.

**КОНДАК ХРАМА**

**Слава, кондак преподобного, глас 4:**

Послушания добрый рачитель быв, безплотныя враги слезными молитвами твоими крепко посрамил еси и явился еси Пресвятыя Троицы жилище, Юже зря, блаженне, ясно, Богомудре Мефодие преподобне, чудес дар от Нея приял еси. Темже исцеляеши с верою приходящих недуги, утоляеши скорби и молишися непрестанно о всех нас.

**И ныне, кондак Богородицы, глас 6:**

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствуящи присно, Богородице, чтущих Тя.

**Диакон:** Господу помолимся.

**Хор:** Господи, помилуй.

**Иерей:** Яко Свят еси, Боже наш, и Тебе славу возсылаем, Отцу и Сыну и Святому Духу, ныне и присно.

**Диакон:** Господи, спаси благочестивыя.

**Хор:** Господи, спаси благочестивыя.

**Диакон:** И услыши ны.

**Хор:** И услыши ны.

**Диакон:** И во веки веков.

**Хор:** Аминь.

### ТРИСВЯТОЕ:

**Хор:** Святы́й Бо́же, Святы́й Кре́пкий, Святы́й Безсме́ртный, поми́луй нас. *(Трижды)*

**Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.**

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

**Диакон:** Вонмем.

**Иерей:** Мир всем.

**Чтец:** И ду́хови твоemú.

**Диакон:** Прему́дрость.

### Прокі́мны, Апóстол, Аллилуа́рии

**Чтец:** Прокі́мен, **глас 7** *(преподобного)*: Честна́ пред Го́сподем смерть преподо́бных Егó.

**Хор:** Честна́ пред Го́сподем смерть преподо́бных Егó.

**Чтец:** Что возда́м Го́сподеви о всех, я́же воздаде́ ми?

**Хор:** Честна́ пред Го́сподем смерть преподо́бных Егó.

**Чтец:** Честна́ пред Го́сподем.

**Хор:** Смерть преподо́бных Егó.

### ЧТÉНИЕ АПО́СТОЛА:

**Диакон:** Прему́дрость.

**Чтец:** К Рі́мляном, послáния свята́го апóстола Па́вла чтéние.

**Диакон:** Вонмем.

#### *Чтение дня (Рим. 9:6–19, зач. 101):*

**Чтец:** Бра́тие, не тако́же я́ко отпаде́ сло́во Бо́жие, не вси бо су́щии от Израі́ля, сии Израі́ль, ни зане́ суть се́мя Авраа́мле, вси ча́да, но во Исаа́це, рече́, нарече́тся ти се́мя. Сі́речь, не ча́да плотска́я, сиа́ ча́да Бо́жия, но ча́да обетова́ния причита́ются в се́мя. Обетова́ния бо сло́во сие́: на сие́ вре́мя прииду́, и бу́дет Са́рре сын. Не то́чию же, но и Реве́кка от еди́наго ло́жа Исаа́ка отца́ на́шего иму́щи. Не у́бо не ро́ждшымся, ни сотво́ршым чесо́ благо или́ зло, да по избра́нию предложе́ние Бо́жие пребу́дет, не от дел, но от Призыва́ющаго, рече́ся ей, я́ко бо́лий порабо́тает ме́ньшему, я́коже есть пи́сано: Иа́кова возлюбі́х, Иса́ва же возненави́дех. Что у́бо рече́м? Еда́ неправда у́ Бо́га? Да не бу́дет. Моисе́ови бо глаго́лет: поми́луй, егóже а́ще поми́луй, и ущедру́, егóже а́ще ущедру́. Те́мже у́бо ни хотя́щаго, ни теку́щаго, но ми́лующаго Бо́га. Глаго́лет бо Писа́ние фара́нови: я́ко на і́стое сие́ воздвигóх тя, я́ко да покажу́ тобо́ю си́лу Мою́ и я́ко да возвесті́тся і́мя Моё́ по всей землі́. Те́мже у́бо, егóже хо́щет, ми́лует, а егóже хо́щет, ожесточа́ет. Рече́ши же ми́ у́бо: чесо́ ра́ди у́бо укоря́ет, во́ли бо Егó кто проті́вится мо́жет?

#### *Чтéние преподобного (Гал. 5:22–6:2, зач. 213):*

Бра́тие, плод духо́вный есть любы́, ра́дость, мир, долготерпе́ние, бла́гость, милосе́рдие, ве́ра, крóтость, воздержáние: на тако́вих несть зако́на. А і́же Христо́вы суть, плоть распы́ша со страстьми́ и похотьми́. А́ще живём ду́хом, ду́хом и да хо́дим. Не бывáим тщесла́вни, друг дру́га раздража́юще, друг дру́гу завидя́ще. Бра́тие, а́ще и впаде́т человек в не́кое прегреше́ние, вы духо́внии исправля́йте тако́ваго ду́хом крóтости: блюды́й себе́, да не и ты искуше́н бу́деши. Друг дру́га тяготы́ носі́те, и тако́ исполните зако́н Христо́в.

**Иерей:** Мир ти.

**Чтец:** И дѹхови твоємѹ.

**Диáкон:** Премѹдрость.

### АЛЛИЛУА́РИИ:

**Чтец:** Аллилу́ия, аллилу́ия, аллилу́ия, **глас 6.**

**Хор:** Аллилу́ия, аллилу́ия, аллилу́ия.

**Чтец** (*преподобного*): Блаже́н муж, бойся Го́спода, в за́поведех Его́ восхо́щет зело́.

**Хор:** Аллилу́ия, аллилу́ия, аллилу́ия.

**Чтец:** Си́льно на земли́ бѹдет се́мя Его́.

**Хор:** Аллилу́ия, аллилу́ия, аллилу́ия.

**Диáкон:** Благослови́, влады́ко, благовестите́ля свята́го Апóстола и Евангелíста Матфе́я.

**Иерей:** Бог, моли́твами свята́го, сла́внаго, всехва́льнаго Апóстола и Евангелíста Матфе́я, да да́ст тебе́ глаго́л благовествѹюще́му си́лою мно́гою, во исполне́ние Ева́нгелия возлю́бленнаго Сы́на Своего́, Го́спода на́шего Иису́са Христа́.

**Диáкон:** Ами́нь.

**Диáкон:** Премѹдрость, прóсти, услы́шим свята́го Ева́нгелия.

**Иерей:** Мир всем.

**Хор:** И дѹхови твоємѹ.

**Диáкон:** От Матфе́я свята́го Ева́нгелия чтéние.

**Хор:** Сла́ва Тебе́, Го́споди, сла́ва Тебе́.

### ЧТÉНИЕ ЕВА́НГЕЛИЯ:

**Диáкон:** Во́нмем.

*Чтение дня (Мф. 10:32–36; 11:1, зач. 38):*

**Диáкон:** Рече́ Господь Свои́м ученико́м: всяк и́же испове́сть Мя пред челове́ки, испове́м его́ и Аз пред Отце́м Мои́м, и́же на Небесе́х, а и́же отвер́жется мене́ пред челове́ки, отвер́гуся его́ и Аз пред Отце́м Мои́м, и́же на Небесе́х. Не мните, я́ко приидо́х воврещи́ мир на зéмлю, не приидо́х бо воврещи́ мир, но мечь. Приидо́х бо разлучи́ти челове́ка на отца́ своего́, и дочь на ма́терь свою́, и невесту на свекро́вь свою́. И врази́ челове́ку домашнии его́. И бысть, егда́ соверши́ Иису́с запове́дая обемана́десяте ученико́ма свои́ма, прейде оттѹду учи́ти, и пропове́дати во гра́дех их.

*Чтение преподобного (Лк. 6:17–23, зач. 24):*

Во вре́мя оно́, ста Иису́с на ме́сте ра́вне, и наро́д учени́к Его́, и мно́жество мно́го люде́й от все́я Иуде́и и Иерусали́ма, и помóрия Ти́рска и Сидóнска, и́же приидо́ша послу́шати Его́ и исцели́тися от недѹг свои́х, и стра́ждущии от дух нечи́стых, и исцеля́хуся. И весь наро́д иска́ше прикаса́тися Емѹ, я́ко си́ла от Него́ исхожда́ше, и исцеля́ше вся. И той возвед́ очи свои́ на учени́ки свои́, глаго́лаше: блаже́ни ни́щии дѹхом, я́ко ва́ше есть Ца́рствие Бо́жие. Блаже́ни, а́лчущии ны́не, я́ко насы́титесь. Блаже́ни, пла́чущии ны́не, я́ко возсме́етесь. Блаже́ни бѹдете, егда́ возненави́дят вас челове́цы, и егда́ разлуча́т вы и поно́сят, и пронесѹт и́мя ва́ше я́ко зло, Сы́на Челове́ческаго ра́ди. Возра́дуйтесь в той день и възыгра́йте, се бо мзда ва́ша мно́га на небеси́.

**Хор:** Сла́ва Тебе́, Го́споди, сла́ва Тебе́.

### ЕКТЕНИ́Я СУГѹ́БАЯ:

**Диáкон:** Рце́м вси от все́я душі́, и от все́го помышле́ния на́шего рцем.

**Хор:** Го́споди, помíлуй.

**Диáкон:** Го́споди Вседержи́телю, Бо́же оте́ц на́ших, мо́лим Ти ся, услы́ши и помíлуй.

**Хор:** Го́споди, помíлуй.

**Диакон:** Помилуй нас, Бóже, по велицей мило́сти Тво́ей, мо́лим Ти ся, услы́ши и помилуй.

**Хор:** Го́споди, помилуй. *(Три́жды, на ка́ждое проше́ние)*

**Диакон:** Ещѐ мо́лимся о Вели́ком Госпо́дине и Отце́ на́шем Святе́йшем Патри́архе Кири́лле, и о Госпо́дине на́шем Высокопреосвяще́ннейшем митрополи́те *(или: архиепи́скопе, или: преосвяще́ннейшем епи́скопе имяре́к)*, и всей во Христе́ бра́тии на́шей. Ещѐ мо́лимся о Богохрани́мей стране́ на́шей, власте́х и во́инстве ея́, да ти́хое и безмо́лвное жити́е поживѐм во вся́ком благоче́стии и чистоте́.

Ещѐ мо́лимся о бра́тиях на́ших, священни́цах, священномона́сах, и всем во Христе́ бра́тстве на́шем.

Ещѐ мо́лимся о блаже́нных и приснопа́мятных создáтелей свята́го хра́ма сего́, и о всех преждепочи́вших отце́х и бра́тиях, зде лежа́щих и повсю́ду, правосла́вных.

Ещѐ мо́лимся о мило́сти, жи́зни, ми́ре, здра́вии, спасѐнии, посещѐнии, прощѐнии и оставлѐнии грехо́в рабо́в Бо́жиих настоя́теля, бра́тии и прихо́жан свята́го хра́ма сего́.

Ещѐ мо́лимся о плодонося́щих и добродѐющих во святѐм и всечестне́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя мило́сти.

**Иерей:** Я́ко Мило́стив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прѐсно и во ве́ки веко́в.

**Хор:** Ами́нь.

### ЗАУПОКО́ЙНАЯ ЕКТЕНИЯ́<sup>3</sup>:

**Диакон:** Помилуй нас, Бóже, по велицей мило́сти Тво́ей, мо́лим Ти ся, услы́ши и помилуй.

**Хор:** Го́споди помилуй. *(Три́жды на ка́ждое проше́ние).*

**Диакон:** Ещѐ мо́лимся о упоко́ении душ усóпших рабо́в Бо́жиих *(зде перечисля́ются имена́)* и о еже проститися им вся́кому прегрешѐнию, вольно́му же и невольно́му.

**Хор:** Го́споди помилуй, го́споди помилуй, го́споди помилуй. *(Поется медленно)*

Я́ко да Госпо́дь Бог учини́т ду́ши их, иде́же пра́веднии упоко́ются.

Мило́сти Бо́жия, Ца́рства Небе́снаго и оставлѐния грехо́в их у Христа́, Бсзсмѐртнаго Царя́ и Бо́га на́шего, прóсим.

**Хор:** Пода́й, Го́споди.

**Диакон:** Го́споду помóлимся.

**Хор:** Го́споди, помилуй.

**Иерей:** Я́ко Ты еси́ воскресѐние, и живóт, и по́кой усóпших раб Тво́их *(здесь мо́гут перечисля́ться имена́, но ча́ще всего́ нет)*, Христе́ Бóже наш, и Тебе́ сла́ву возсыла́ем, со Безнача́льным Тво́им Отце́м и Пресвяты́м и Благи́м и Животворя́щим Тво́им Ду́хом, ны́не и прѐсно и во ве́ки веко́в.

**Хор:** Ами́нь.

### ЕКТЕНИЯ́ ОБ ОГЛАШѐННЫХ:

**Диакон:** Помолѐтся, оглаше́ннии, Го́сподеви.

**Хор:** Го́споди, помилуй. *(На ка́ждое проше́ние)*

**Диакон:** Ве́рнии, о оглаше́нных помóлимся, да Госпо́дь помилует их.

Огласи́т их сло́вом и́стины.

Откры́ет им Ева́нгелие пра́вды.

Соедини́т их святе́й Сво́ей собóрней и апо́стольстей Цѐркви.

Спаси́, помилуй, заступи́ и сохрани́ их, Бóже, Тво́ею благода́тию.

<sup>3</sup> Обычно опускается, в праздничные и воскресные дни и в попразднство Пасхи.

Оглашённии, главы́ ва́ша Го́сподеви приклонíte.

**Хор:** Тебе́, Го́споди.

**Иерей:** Да и тии с на́ми сла́вят пречестно́е и великолéпое и́мя Твое́, Отца́, и Сы́на, и Свята́го Ду́ха, ны́не и прísно, и во ве́ки веко́в.

**Хор:** Ами́нь.

#### ЕКТЕНИЯ ВЕРНЫХ, ПЕРВАЯ:

**Диакон:** Елицы оглашённии, изыдите, оглашённии, изыдите. Елицы. оглашённии, изыдите. Да никто́ от оглашённых, елицы вернии, па́ки и па́ки миром Го́споду помóлимся.

**Хор:** Го́споди, помíлуй.

**Диакон:** Заступи́, спаси́, помíлуй и сохрани́ нас, Бо́же, Твоею́ благодáтию.

**Хор:** Го́споди, помíлуй.

**Диакон:** Прему́дрость.

**Иерей:** Яко́ подобáет Тебе́ вся́кая сла́ва, честь и поклонéние, Отцу́, и Сы́ну, и Свято́му Ду́ху, ны́не и прísно, и во ве́ки веко́в.

**Хор:** Ами́нь.

#### ЕКТЕНИЯ ВЕРНЫХ, ВТОРАЯ:

**Диакон:** Па́ки и па́ки, миром Го́споду помóлимся.

**Хор:** Го́споди, помíлуй. *(На ка́ждое прошéние)*

**Диакон:** О свы́шнем ми́ре и спасéнии душ на́ших, Го́споду помóлимся.

О ми́ре всего́ ми́ра, благостоя́нии святы́х Бо́жиих церквéй и соединéнии всех, Го́споду помóлимся.

О святéм хра́ме сем и с véрою, благоговéнием и стра́хом Бо́жиим входя́щих в о́нь, Го́споду помóлимся.

О изба́витися нам от вся́кия скóрби, гнéва и ну́жды, Го́споду помóлимся.

Заступи́, спаси́, помíлуй и сохрани́ нас, Бо́же, Твоею́ благодáтию.

**Хор:** Го́споди, помíлуй.

**Диакон:** Прему́дрость.

**Иерей:** Яко́ да под держáвою Твоею́ всегда́ храни́ми, Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прísно, и во ве́ки веко́в.

**Хор:** Ами́нь.

#### ХЕРУВИ́МСКАЯ ПЕСНЬ:

**Хор:** И́же Херувíмы та́йно образу́юще и животворя́щей Трóице Трисвяту́ю песнь припева́юще, вся́кое ны́не житéйское отложíм попечéние.

#### ВЕЛÍКИЙ ВХОД:

**Диакон:** Велíкаго господíна и отца́ на́шего Кири́лла, Святе́йшаго Патриáрха Моско́вскаго и всея́ Русí, и господíна на́шего *(Высо́ко)Преосвящённейшаго (имярек), (архи)епископа (митрополита (титул))*, да помяне́т Господь Бог во Цáрствии Своéм всегда́, ны́не и прísно, и во ве́ки веко́в.

**Иерей:** Преосвящённыя митрополíты, архиепископы и епископы, и весь священнический и мона́шеский чин, и причет церковный, брáтию свята́го хра́ма сегó, всех вас, правосла́вных христиáн, да помяне́т Господь Бог во Цáрствии Своéм, всегда́, ны́не и прísно, и во ве́ки веко́в.

**Хор:** Ами́нь. Яко́ да Царя́ всех поды́мем, а́нгельскими невидимо доринóсима чíнми. Аллилу́иа, аллилу́иа, аллилу́иа.

## ЕКТЕНИЯ ПРОСИТЕЛЬНАЯ:

**Диакон:** Исполним молитву нашу Господеви.

**Хор:** Господи, помилуй. *(На каждое прошение)*

**Диакон:** О предложенных Честных Дарех, Господу помолимся.

О святём храме сем, и с верою, благоговением и страхом Божиим входящих в оный, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Дне всего совершенна, свята, мирна и безгрешна у Господа просим.

**Хор:** Подай, Господи. *(На каждое прошение)*

**Диакон:** Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христоу просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

**Хор:** Тебе, Господи.

**Иерей:** Щедротами Единородного Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

**Хор:** Аминь.

**Иерей:** Мир всем.

**Хор:** И духови твоему.

**Диакон:** Возлюбим друг друга, да единомыслием исповемы.

**Хор:** Отца, и Сына, и Святаго Духа, Троицу единосущную и нераздельную.

**Диакон:** Двери, двери, премудростию вонмем.

## СИМВОЛ ВЕРЫ:

Верую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

## ЕВХАРИСТИЧЕСКИЙ КАНОН:

**Диакон:** Станем добре, станем со страхом, вонмем, святое возношение в мире приносити.

**Хор:** Милость мира, жертву хваления.

**Иерей:** Благодарятъ Господа нашего Иисуса Христа, и любви Бога и Отца, и причастие Святаго Духа, буди со всеми вами.

**Хор:** И со духом твоим.

**Иерей:** Горé имéим сердца.

**Хор:** Имамы ко Господу.

**Иерей:** Благодарим Господа.

**Хор:** Достойно и праведно есть поклоняться Отцу и Сыну, и Святому Духу, Троице единосущней и нераздельней.

**Иерей:** Победную песнь поюще, вопиюще, взывающе и глаголюще.

**Хор:** Свят, свят, свят Господь Саваоф, исполнь небо и земля славы Твоея; осанна в вышних, благословен Грядый во имя Господне, осанна в вышних.

**Иерей:** Примите, ядите, сие есть Тело Моё, еже за вы ломимое во оставление грехов.

**Хор:** Аминь.

**Иерей:** Пийте от нея вси, сия есть Кровь Моя Новаго Завета, яже за вы и за многия изливаемая, во оставление грехов.

**Хор:** Аминь.

**Иерей:** Твоя от Твоих Тебе приносяще, о всех и за вся.

**Хор:** Тебе поём, Тебе благословим, Тебе благодарим, Господи, и молим Ти ся, Боже наш.

**Иерей:** Изрядно о Пресвятэй, Пречистей, Преблагословенней, Славней Владычице нашей Богородице и Приснодеве Марии.

#### ДОСТОЙНО ЕСТЬ:

**Хор:** Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

**Иерей:** В первых помяни, Господи, великаго господина и отца нашего Кирилла, Святейшаго Патриарха Московскаго и всея Руси, и господина нашего *(Высоко)* Преосвященнейшаго *(имярек)*, *(архи)*епископа *(митрополита (титул))*, ихже даруй святым Твоим церквам, в мире, целых, честных, здравых, долгоденствующих, право правящих слово Твоея истины.

**Хор:** И всех, и вся.

**Иерей:** И даждь нам едиными усты и едином сердцем славить и воспевати пречестное и великолепое имя Твое, Отца, и Сына, и Святаго Духа, ныне и присно, и во веки веков.

**Хор:** Аминь.

**Иерей:** И да будут милости великаго Бога и Спаса нашего Иисуса Христа со всеми вами.

**Хор:** И со духом твоим.

#### ЕКТЕНИЯ ПРОСИТЕЛЬНАЯ:

**Диакон:** Вся святыя помянувше, паки и паки миром Господу помолимся.

**Хор:** Господи, помилуй. *(На каждое прошение)*

**Диакон:** О принесенных и освященных Честных Дарех, Господу помолимся.

Яко да человеколюбец Бог наш, прием я во святый и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

О избавитися нам от всякия скорби, гнева и нужды, Господу помолимся.

Заступи́, спаси́, помилуй и сохрани́ нас, Бо́же, Твоею́ благодати́ю.

**Хор:** Го́споди, помилуй.

**Диáкон:** Дне всего́ соверше́нна, свята́, мирна и безгрешна у Го́спода прóсим.

**Хор:** Подáй, Го́споди. *(На ка́ждое прошéние)*

**Диáкон:** А́нгела мирна, ве́рна наста́вника, храните́ля душ и телес на́ших, у Го́спода прóсим.

Про́щения и оставле́ния грехо́в и прегрешéний на́ших у Го́спода прóсим.

До́брых и поле́зных душáм на́шим и ми́ра ми́рови у Го́спода прóсим.

Про́чее вре́мя живото́а на́шего в ми́ре и пока́янии сконча́ти у Го́спода прóсим.

Христиа́нския кончи́ны живото́а на́шего, безболéзненны, непосты́дны, мирны и до́браго отве́та на Стра́шнем Суди́щи Христóве прóсим.

Соединéние ве́ры и причáстие Свята́го Ду́ха испроси́вше, са́ми себе́, и друг дру́га, и весь живóт наш Христú Бо́гу преда́дим.

**Хор:** Тебе́, Го́споди.

**Иерей:** И сподо́би нас, Влады́ко, со дерзнове́нием, неосужде́нно сме́ти призывáти Тебе́, Небеснаго Бо́га Отца́, и глаго́лати:

### МОЛИ́ТВА ГОСПО́ДНЯ:

О́тче наш, И́же еси́ на небесе́х, да святи́тся и́мя Твое́, да при́дет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникóм на́шим; и не введи́ нас во искуше́ние, но изба́ви нас от лука́ваго.

**Иерей:** Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и при́сно, и во ве́ки веко́в.

**Хор:** Ами́нь.

**Иерей:** Мир всем.

**Хор:** И ду́хови твоему́.

**Диáкон:** Главы́ ва́ша Го́сподеви приклоните́.

**Хор:** Тебе́, Го́споди.

**Иерей:** Благодати́ю, и щедро́тами, и человеколю́бием Единоро́днаго Сы́на Твоего́, с Ни́мже благослове́н еси́, со Пресвяты́м и Благо́м и Животворя́щим Твои́м Ду́хом, ны́не и при́сно, и во ве́ки веко́в.

**Хор:** Ами́нь.

**Диáкон:** Во́нмем.

**Иерей:** Свята́я святы́м.

**Хор:** Еди́н свят, еди́н Госпо́дь, Иису́с Христóс, во сла́ву Бо́га Отца́. Ами́нь.

### ПРИЧА́СТНЫ:

*Прича́стен преподо́бного:*

**Хор:** Во всю зе́млю изы́де веща́ние их, и в концы́ вселе́нныя глаго́лы их.

**Хор:** Аллилу́ия, Аллилу́ия, Аллилу́ия.

### ПРИЧА́СТИЕ:

**Диáкон:** Со стра́хом Бо́жиим и ве́рою присту́пите.

**Хор:** Благослове́н Гряды́й во и́мя Госпо́дне, Бог Госпо́дь и яви́ся нам.

**Иерей:** Ве́рую, Го́споди, и испове́дую, я́ко Ты еси́ вои́стинну Христóс, Сын Бо́га жива́го, прише́дый в мир грешны́я спасти́, от ни́хже пе́рвый есмь аз. Ещé ве́рую, я́ко си́е есть са́мое пречи́стое Те́ло Твое́, и си́я есть са́мая честна́я Кровь Твоя́. Молю́ся у́бо Тебе́:

помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. Аминь.

Вечери Твоея тайныя днесь, Сыне Божий, причастника мя приими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Да не в суд или во осуждение будет мне причащение Святых Твоих Таин, Господи, но во исцеление души и тела.

*Во время Причащения людей:*

**Хор:** Тело Христово примите, Источника безсмертнаго вкусите.

*После Причащения людей:*

**Хор:** Аллилуия, аллилуия, аллилуия. (обычно поется несколько раз)

**Иерей:** Спаси, Боже, люди Твоя, и благослови достояние Твое.

**Хор:** Видехом свет истинный, прияхом Духа Небеснаго, обретохом веру истинную, нераздельней Троице поклоняемся, Та бо нас спасла есть.

**Иерей:** Всегда, ныне и присно, и во веки веков.

**Хор:** Аминь. Да исполнятся уста наша хваления Твоего Господи, яко да поем славу Твою, яко сподобил еси нас причаститься Святым Твоим, Божественным, безсмертным и животворящим Тайнам, соблюди нас во Твоей святости весь день поучатися правде Твоей. Аллилуиа, аллилуиа, аллилуиа.

#### **ЕКТЕНИЯ ЗАКЛЮЧИТЕЛЬНАЯ:**

**Диакон:** Прости приемше Божественных, святых, пречистых, безсмертных, небесных и животворящих, страшных Христовых Таин, достойно благодарим Господа.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** День весь совершен, свят, мирен и безгрешен испросивше, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Хор:** Аминь.

**Иерей:** С миром изыдем.

**Хор:** О имени Господни.

**Диакон:** Господу помолимся.

**Хор:** Господи, помилуй.

*Заамвонная молитва:*

**Иерей:** Благословляяй благословящия Тя, Господи, и освящаяй на Тя уповающия, спаси люди Твоя и благослови достояние Твое, исполнение Церкви Твоея сохрани, освяти любящия благолепие дому Твоего: Ты тех возпрослави Божественною Твоею силою, и не остави нас, уповающих на Тя. Мир миру Твоему даруй, церквам Твоим, священником, воинству и всем людям Твоим. Яко всякое давание блага, и всяк дар совершен свыше есть, сходяй от Тебе Отца светов, и Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

**Хор:** Аминь. Буди Имя Господне благословено от ныне и до века. (Трижды)

## Псалом 33:

**Хор:** Благословлю Господа на всякое время, вину хвалу Его во устех моих. О Господе похвалится душа моя, да услышат кротции, и возвеселятся. Возвеличите Господа со мною, и вознесем Имя Его вкупе. Взысках Господа, и услыша мя, и от всех скорбей моих избави мя. Приступите к Немю, и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь: блажен муж, иже уповает на Нь. Бойтесь Господа, вси святии Его, яко несть лишения боящимся Его. Богатии обнищаша и взалкаша: взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живёт, любяй дни видети блага? Удержи язык твой от зла, и устне твой, еже не глаголати лести. Уклонися от зла и сотвори благо. Взыщи мира, и поженй и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси, уповающии на Него.

**Иерей:** Благословение Господне на вас, Того благодатию и человеколюбием, всегда, ныне и присно, и во веки веков.

**Хор:** Аминь.

**Иерей:** Слава Тебе, Христе Боже, упование наше, слава Тебе.

**Хор:** Слава Отцу и Сыну и Святому Духу и ныне и присно и во веки веков. Аминь. Господи, помилуй. *(Трижды)* Благослови.

**Иерей:** *Произносит праздничный или дневной отпуст.*

**Хор:** Великаго Господина и Отца нашего Кирилла, Святейшаго Патриарха Московского и всея Руси, и Господина нашего *(Высоко)* Преосвященнейшаго *(имярек)*, *(архи)* епископа *(митрополита (титул))*, богохранимую страну нашу Российскую, настоятеля, братию и прихожан святого храма сего и вся православныя христианы, Господи, сохрани их на многая лета.